

2588

203.7

2-21

1685 13 հուն 440-1

17 SEP 2009

ՀՐԱՏԱՐԱԿՈՒԹԻՒՆ ՊԵՐՊԵՐԵԱՆ ԳՐԱՏԱՆ

203.7
Z-21

ՀԱՄԱՌՕՏ

Ժ Ա Մ Ա Գ Կ Ի Ր Ք

ՀԱՅԱՍՏԱՆԵԱՅՑ Ս. ԵԿԵՂԵՑԻՈՅ



08
80
8-24

ՏՊԱՐԱՆ «ԱԶԳ»Ի

ՊՈՍԹՈՆ, ՄԷՍ.

1916

ՀՐԱՏԱՐԱԿՈՒԹԻՒՆ ՊԵՐՊԵՐԵԱՆ ԳՐԱՏԱՆ

280
798-ՅԱ ՀԱՄԱՌՈՏ

Ժ Ա Մ Ա Գ Ի Բ Ի

ՀԱՅԱՍՏԱՆԵԱՅՑ Ս. ԵԿԵՂԵՑԻՈՅ

20057



ՏՊԱՐԱՆ «ԱԶԳ»Ի

ՊՈՍԹՈՆ, ՄԷՍ.

1916

31 MAY 2013

2588

Յար. յոյ՛ն Նշապ
Կար
Երասրապ

July 30. 1916

34 P.O. Box Sta
Boston Ma
U.S.A.

Ի ՀԱՅՐԱՊԵՏՈՒԹԵԱՆ

Տ. Տ. ԳԷՈՐԳԱՅ Ե. Ի

ԿԱԹՈՂԻԿՈՍԻ ԱՄԵՆԱՅՆ ՀԱՅՈՑ

ՍՐԲՈՑ ԷՋՄԻԱԾՆԻ



ԵՐԿՈՒ ԽՕՍՔ

Կարելոր պահանջի մը կարելիութեան սահմանին մէջ գոհացում տալու արդար զիտակցութեամբ կը ձեռնարկեմ այն հրատարակութեան :

Համառօտ և ամփոփ ԺԱՄԱԳԻՐԻՔ մըն է ասիկա, ուր եկեղեցասէր հայեր պիտի գտնեն, սովորական ժամասացութեան կարելորագոյն մասերէն զատ, նաև՝ ՊԱՏԱՐԱԳԻ, ԾՆՆԴԵԱՆ, ու ՄԿՐՏՈՒԹԵԱՆ, ԱԻԱԳ ՇԱԲԹՈՒ և ԶԱՏԿԻ, ինչպէս նաև Մեծ Պառոյ ԱՐԵՒԱԳԱԼԻ երգերը, և այլն :

14 Յուլիս 1916

Պոսթոն, Մէս .

Հրատարակիչ

ՅԱՐ . Գ . ՊԵՐՊԵՐԵԱՆ



ԱՐՄԻՍՏԵԱՆ ԺԱՄԵՐԳՈՒԹԻՒՆՔ

Քհնյ. Օրհնեալ Տէր մեր Յս. Քս. ամէն:

Տէր եթէ զըթունս իմ բանաս, բերան իմ երգեացէ զօրհնութիւնս քո:

Սրկ. Օրհնեալ է Աստուած:

Քհնյ. Տէր եթէ զըթունս իմ բանաս, բերան իմ երգեացէ զօրհնութիւնս քո:

Սրկ. Օրհնեալ է Աստուած:

Քհնյ. Օրհնեալ համագոյ և միասնական անբաժանելի Սուրբ Երրորդութիւնն՝ Հայր և Որդի և Հոգի Սուրբ, այժմ:

Սրկ. Եւ եւս խաղաղութեան:

Քհնյ. Օրհնութիւն և փառք:

Իպ. Տէր, զի բազում եղեն նեղիչք իմ, և բազումք յարեան ի վերայ իմ:

Բազումք ասէին զանձնէ իմմէ, թէ չի՛ք փրկուցիւն սորա առ Աստուած իւր:

Այլ դու Տէր՝ օգնական իմ ես, փառք իմ և բարձրացուցիչ գլխոյ իմոյ:

Չայնիւ իմով ես առ Տէր կարողացի և լուաւ ինձ ի լեռնէ սրբոյ իւրմէ:

Ես ննջեցի և ի քուն եղէ, զարթեայ և Տէր ընդունելի իմ է:

Ո՛չ երկեայց ես ի բիւրաւոր զօրաց նոցա, ոյք շուրջանակի պատեալ պաշարեալ պահէին զիս:

Արի՛ Տէր և փրկեա՛ զիս, Աստուած իմ, զիդ ուհարեր զամենեսեան, ոյք էին ընդ իս թշնամու-

Թեամբ, ի տարապարտուց, և զատամունս մե-
զաւորաց փշրեսցես :

Տեանդ է փրկութիւն՝ ի վերայ ժողովրդեան
քո, օրհնութիւն քո :

Տէր Աստուած փրկութեան իմոյ ի տուէ կար-
դացի և գիշերի առաջի քո :

Մտցեն աղօթք իմ առաջի քո Տէր, խոնարհես-
ցի ունկն քո ի խնդրուածս իմ :

Զի լցաւ չարչարանօք անձն իմ, և կեանք իմ
ի դժոխս մերձեցան, և համարեցայ ես ընդ այնո-
սիկ որք իջանեն ի դուր :

Եղէ ես որպէս մարդ առանց օգնականի և ի
մեռեալս ազատ :

Որպէս զվիրաւորս որք ննջեն ի գերեզմանս :

Զորս դու ո՛չ յիշեցեր, նոքա ի ձեռանէ քումմէ
մերժեցան :

Եզին զիս ի գբի ներքնումն ի խաւարի և ի
ստուերս մահու :

Յիս հաստատեցաւ սրտմտութիւն քո զամե-
նայն զբօսանս քո ածեր ի վերայ իմ :

Հեռի արարեր յինէն զճանօթս իմ, և եզին զիս
նշաւակ իւրեանց :

Մատնեցայ և ո՛չ ելանէի, աչք իմ տկարացան
յաղքատութենէ :

Աղաղակեցի առ Տէր զօրհանապազ, և համ-
բարձի առ քեզ զձեռս իմ :

Միթէ մեռելոց առնիցե՞ս զսքանչելիս քո կամ
բժիշկք յարուցեալ խոստովան առնիցին առ քեզ :

Միթէ պատմեսցէ՞ ոք երբեք ի գերեզմանի
զողորմութիւնս քո, կամ զճշմարտութիւնս քո ի
կորստեան :

Միթէ ճանաչիցե՞ն ի խաւարի սքանչելիք քո,

կամ արդարութիւն քո յերկիր մոռացեալ :

Ես առ քեզ Տէր աղաղակեցի, առաւօտու ա-
ղօթք իմ ժամանեսցեն առ քեզ :

Ընդէ՞ր Տէր մերժես զանձն իմ, կամ դարձու-
ցանես զերեսս քո յինէն :

Տնանկ և վաստակաւոր եմ ես ի մանկութենէ
իմմէ, ի բարձրութենէ խոնարհեցայ և ապշեցայ :

Յիս հաստատեցաւ բարկութիւն քո, արհա-
ւիրք քո խռովեցուցին զիս :

Շրջեցան զինեւ որպէս ջուր, զոր ամենայն
պաշարեցին զիս ի միասին :

Հեռի արարեր յինէն զբարեկամս իմ և զճա-
նօթս իմ վասն թշուառութեան իմոյ :

Օրհնեա՛ անձն իմ զՏէր, և ամենայն ոսկերք
իմ զանուն սուրբ նորա :

Օրհնեա՛ անձն իմ զՏէր, և մի՛ մոռանար զա-
մենայն տուրս նորա :

Ո՛ր քաւէ զմեղս քո, բժշկէ զամենայն հիւան-
դութիւնս քո :

Ո՛ր փրկէ յապականութենէ զկեանս քո, պսակէ
զքեզ ողորմութեամբ և զթութեամբ :

Ո՛ր ընու ի բարութենէ զցանկութիւն քո, նորո-
գեսցի որպէս արժուոյ մանկութիւն քո :

Առնէ ողորմութիւնս Տէր, և իրաւունս ամե-
նայն զրկելոց :

Եցոյց Տէր զճանապարհս իւր Մովսէսի, և որդ-
ւոցն Իսրայելի զկամս իւր :

Գթած ողորմած է Տէր, երկայնամիտ և բա-
զումողորմ :

Ո՛ր չ խապո բարկանայ մեզ Տէր, և ո՛չ յաւիտ-
եան պահէ ոխս :

Ո՛ր չ ըստ մեղաց մերոց արար մեզ Տէր, և ո՛չ

լատ անօրէնութեան մերում հատոյց մեզ:

Այլ որպէս բարձր են երկինք յերկրէ, այնպէս զօրացոյց Տէր զողորմութիւն իւր ի վերայ երկիւղածաց իւրոց:

Որչափ հեռի են արեւելք յարեւմտից, այնչափ հեռի արար ի մէնջ զանօրէնութիւնս մեր:

Որպէս գթայ հայր ի վերայ որդւոց իւրոց, այնպէս գթասցի Տէր յերկիւղածս իւր:

Զինս գիտաց զստեղծուածս մեր և յիշեաց թէ հոզ եմք:

Մարդոյ որպէս խոտոյ են աւուրք իւր, որպէս ծաղիկ վայրի այնպէս ծաղկի:

Ծնչէ ի նմա հողմ, և ո՛չ է, և ո՛չ եւս երեւի տեղի նորա:

Բայց ողորմութիւն Տեառն մնայ յաւիտեանս յաւիտենից ի վերայ երկիւղածաց իւրոց, և արդարութիւն նորա յորդւոց մինչեւ յորդիս:

Ոյք պահեն զուխտս նորա, յիշեն զպատուիրանս նորա և առնեն զնա:

Տէր յերկինս պատրաստեաց զաթոռ իւր, արքայութիւն նորա ամենեցուն տիրէ:

Օրհնեցէ՛ք զՏէր ամենայն հրեշտակք նորա, հօրք զօրութեամբ, ոյք առնէք զբան նորա ի լսել ձայնի պատգամաց նորա:

Օրհնեցէ՛ք զՏէր ամենայն զօրութիւնք նորա, պաշտօնեայք և արարողք կամաց նորա:

Օրհնեցէ՛ք զՏէր ամենայն գործք նորա, զի ընդ ամենայն տեղիս է տէրութիւն նորա, օրհնեա՛ անձն իմ զՏէր:

Տէ՛ր լուր աղօթից իմոց, ունկնդի՛ր խնդրուածաց իմոց ճշմարտութեամբ քով:

Լո՛ւր ինձ արդարութեամբ քով, և մի՛ մտաներ

ի դատաստան ընդ ծառայի քում, զի ոչ արդարանայ առաջի քո ամենայն կենդանի:

Հալածեաց թշնամին զանձն իմ, խոնարհ արար յերկիր զկեանս իմ և նստոյց զիս ի խաւարի որպէս մեռեալ յաւիտենից:

Զանձրացաւ յիս հոգի իմ և սիրտ իմ խռովեցաւ յիս:

Յիշեցի զաւուրսն զառաջինս, խորհեցայ յամենայն գործս քո, յարարածս ձեռաց քոց խորհեցայ և համբարձի առ քեզ զձեռս իմ:

Անձն իմ որպէս ծարաւի է առ քեզ, վաղվաղակի լո՛ւր ինձ Տէր, զի նուազեցաւ յինչն հոգի իմ:

Մի՛ դարձուցաներ զերեսս քո յինչն, նմանիցիմ այնոցիկ ոյք իջանեն ի գուր:

Լսելի արա ինձ առաւօտու զողորմութիւնս քո, զի ես ի քեզ Տէր յուսացայ:

Յոյց ինձ ճանապարհ՝ յոր և գնացից, զի առ քեզ Տէր համբարձի զանձն իմ:

Փրկեա՛ զիս ի թշնամեաց իմոց Տէր, զի զքեզ ապաւէն ինձ արարի:

Ուսո՛ ինձ առնել զկամս քո, զի դու ես Աստուած իմ:

Հոգի քո բարի՛ առաջնորդեսցէ ինձ ի յերկիր ուղիղ:

Վասն անուան քո Տէր, կեցուցես զիս, արդարութեամբ քով հանցես ի նեղութենէ զանձն իմ:

Ողորմութեամբ քով սատակեա՛ զթշնամիս իմ, և կորո՛ զամենայն նեղիչս անձին իմոյ, զի ես ծառայ քո եմ:

Փառք Հօր, և լն.:

ԵՐԳ Ս. ՆԵՐՍԷՍԻ

Յիշեսցուք ի գիշերի դանուն քո, Տէր:

Բղխեսցեն սիրտք մեր դբան բարի, և լեզուք մեր պատմեսցեն զգործս երկնաւոր թագաւորիդ:

Ի մէջ գիշերի յարուցեալ խոստովանեսցուք զքեզ, Տէր:

Չաղօթս մեր տացուք քեզ, Տէր, ի գաւիթս քո, ի մէջ նոր Երուսաղէմի:

Ի գիշերի համբարձցուք զձեռս մեր սրբութեամբ առ քեզ, Տէր:

Ի ձայն գոհութեան, ամենայն հոգիք, օրհնեցէք զՏէր:

Փ. Չարթի՛ք, փառք իմ, զարթի՛ք, և ես զարթեայց առաւօտուց, ալէլուիա:

Չարթի՛ք ընդ գուարթունս, մանկունք վերինն Սիօնի. ալէլուիա:

Չարթի՛ք որդիք լուսոյ, ի յօրհնութիւն Հօրն լուսոյ. ալէլուիա:

Չարթի՛ք փրկեալք արեամբ, և տուք զփառս փրկողին. ալէլուիա:

Չարթի՛ք նոր ժողովուրդք, նոր երգս առեալ նորոգողին. ալէլուիա:

Չարթի՛ք, հարսունք հոգևով, սպասեալք գալոյ սուրբ փեսային. ալէլուիա:

Չարթի՛ք, վառեալք լուսով, ըստ իմաստուն սուրբ կուսանացն. ալէլուիա:

Չարթի՛ք, պատրաստեցէք իւր լապտերաց զջերմ արտասուս. ալէլուիա:

Չարթի՛ք, և մի՛ ննջէք, նման յիմար կուսից նիրհէք. ալէլուիա:

Չարթի՛ք, երկիրպագցուք, և արտասուօք զայս ասացուք. ալէլուիա:

Փ. Չարթի՛ք, ընդէ՛ր ննջէս, Տէր, մի՛ մերժեր զմեզ խալառ:

Արի՛, Տէր, օգնեա՛ մեզ, տացուք անուանջ քում զփառս:

Այժմ և յաւէտ Հօր և Որդւոյ և սուրբ հոգւոյն. ամէն:

Փ. Չարթուցեալքս, ի դբաղմանէ գիշերային հանգստենէ:

Շնորհեսցէ մեզ մարդասէր Տէր ի մխիթարութիւն և ի սփոփանս Եկեղեցւոյ:

Ահիւ և դողութեամբ կացցուք ի յաղօթս: Եկեալ խոստովանեսցուք զյանցանս:

Եւ գտցուք ի Քրիստոսէ գբաւութիւն և զմեծ զողորմութիւն: Ամէն:

Գկ. Կցորդ. Անբաժանելի և համագոյ Երրորդութեանդ. համաձայնեալք ընդ զօրս երկնից. փառս մատուցանեմք:

Փա՛ռք քեզ: Որ յանարուեստ յաթոռ բարձրացեալ հանգչիս. Սո՛ւրբ Աստուած, հզօր սբանչելագործ:

Փա՛ռք քեզ: Որ յանէից գոյացուցեր զամենայն արարածս. Սո՛ւրբ Աստուած, անձառ Հօյ անեղ Որդի:

Փա՛ռք քեզ: Որ տեսչութեամբ խնամես զամենայն արարածս. Սո՛ւրբ Աստուած, Բղխում անրսպառ աղբեր:

Տէ՛ր: Ժողովրդապետք եկեղեցւոյ՝ ՚ի քէ՛ հայցեն ասելով. Հովիւ բարի, ողորմեա՛ բանս ւոր հօտի:

Ամէն. Ալէլուիա. Ալէլուիա. Ալէլուիա:

Ամէն. Ալէլուիա. Ալէլուիա. Ալէլուիա:

ԵՐԳ Ս. ՆԵՐՍԷՍԻ

Առաւօտ լուսոյ, արեգակն արդար, առ իս լոյս ծագեա: Բղխումն ի հօրէ, բղխեա ի հօգևոյս, բան քեզ ի հաճոյս:

Գանձդ ողորմութեան, գանձիդ ծածկելոյ, գտող զիս արա: Դուռն ողորմութեան, դաւաճնողիս բաց, դասեցո վերնոցն:

Երբեակ միութիւն, եղելոց խնամող, և ինձ ողորմեա: Չարթիր Տէր յօգնել, զարթո զթրմբեալս, զուարթնոց նմանիլ:

Էդ Հայր անսկիզբն, էակից Որդի, է միշտ Սուրբ Հոգի: Ընկալ զիս գթած, ընկալ ողորմած, ընկալ մարդասէր:

Թագաւոր փառաց, թողութեանց տուող, թո՛ղ ինձ զյանցանս: Ժողովող բարեաց, ժողովեա և զիս, ժողովս անդրանկաց:

Ի քէն Տէր հայցեմ, ի մարդասիրէդ, ինձ բժշկութիւն: Լեր կեանք մեռելոյս, լոյս խաւարելոյս, լուծանող ցաւոյս:

Սորհրդոց գիտող, խաւարիս շնորհեա, խորհուրդ լուսաւոր: Մնունդ հօր ծոցոյ, ծածկելոյս ստուերաւ, ծագեա լոյս փառաց:

Կենարար Փրկիչ, կեցո գմեռեալս, կանգնեա զգլորեալս: Հաստեա հաւատով, հասսօտեա յուսով, հիմնեցո սիրով:

Ձայնիւս աղաչեմ, ձեռօքս պաղատիմ, ձեր բարեաց շնորհեա: Ղամբարամբ լուսոյ, ղեկավար ճարտար, ղղեալս ամբացո:

Ճառագայթ փառաց, ճանապարհ ինձ ցոյց, ճեպել ի յերկինս: Միածինըզ հօր, մոյժ զիս յառագաստ, մաքուր հարսանեացդ:

Յորժամ գաս փառօք, յահագին յաւուրն, յիշեա զիս Քրիստոս: Նորոգող հնութեանց, նորոգեա և զիս, նորոգ զարդարեա:

Շնորհատու բարեաց, շնորհեա զքաւութիւն, շնորհեա զթողութիւն: Ուրախացո Տէր, ոգևոյս փրկութեամբ, ոյր վասն եմ ի սուգ:

Չար մշակողին, չար սերմանց նորին, չորացո զպտուղն: Պարգեւիչ բարեաց, պարգեւեա իմոց, պարտեացս թողութիւն:

Չուր շնորհեա աչացս, Չերմ հեղձել զարաօսը, Չնջել զյանցանս: Ռետինդ քաղցու, ոամ հոգևոյս արբո, ոահ ցոյց ինձ լուսոյ:

Սէր անուն Յիսուս, սիրով քով ճմլեա, սիրա իմ քարեղէն: Վասն գթութեան, վասն ողորմութեան, վերստին կեցո:

Տենջալոյդ տեսեամբ, տուր ինձ յագնեալ, Տէր Յիսուս Քրիստոս: Բարունդ երկնաւոր, բոտեա զաշակերտս, բամից երկնայնոց:

Յօղ արեան քո Տէր, ցօղեա ի հոգիս, ցնծացէ անձ իմ: Իլծեալըս մեղօք, իլծեալ աղաչեմ, լիւսել ինձ բարիս:

Փրկիչ բոլորից, փութա զիս փրկել, փորձութեանց մեղաց: Քաւիչ յանցանաց, քաւեա զօրհնաբանս, քեզ երգել զփառս:

Աստուածածնին բարեխօսութեար յիշեա, Տէր և ողորմեա:

ԵՐԳ Ս. ՆԵՐՍԷՍԻ

Ի ՏՕՆԻ ՍՐԲՈՅ ԵՒ ՅԱՒՈՒՐՍ ՊԱՀՈՑ

Աշխարհ ամենայն, առ իս նայեցեալ, ախտակից լերուք: Բանամ զչրթունս, բարբառիմ լեզուաւս, բողոքեմ զանձնէս, Տէր ողորմեա, Տէր ողորմեա, Տէր ողորմեա:

Գող եղէ մեղաց, գտող կորստեան, գուր ինձ փորեցի: Դաւեցի զանձն իմ, դաւաճանեցի, դարան գործեցի, Տէր ողորմեա, և ին:

Երբեմն էի լոյս, և այժմ եմ խաւար, և ստուեր մահու: Զիարդ պատմեցից, զթիւ մեղաց իմոց, զի բազում են յոյժ, Տէր ողորմեա, և ին:

Էրկինք և երկիր, եկայք ողբացէք, եղկելի զանձն իմ: Ընտրեցի զչարն, ընկալայ կամաւ, ըզհոյս մեղաց, Տէր ողորմեա, և ին:

Թաթաւիմ տղմով, թաւալիմ ի մեղս, թօթափիլ չկարեմ: Ժանտախտիւ լցեալ, ժահահոս եղէ, ժամանակս բազումս, Տէր ողորմեա, և ին:

Ի բաց մեկնեցայ, ի սուրբ խորհրդոց, ի բարեաց գործոց: Լաւ վարկաւ անձն իմ, լուսոյն հեռանալ, լինել ընդ խաւար, Տէր ողորմեա, և ին:

Խորհուրդք չարին, խաբեն զհոգիս, խորասոյղ առնեն: Ծածկեն անդնդօք, ծիծաղին գլորմամբ, ծանակ զիս առնեն, Տէր ողորմեա, և ին:

Կամաւ կորացայ, կարկամեալս անձամբս, կանգնիլ ո՛չ կարեմ: Հուր մեղաց կիզող, հրկեհեաց որ յիս, հոգեւոր բարիս, Տէր ողորմեա, և ին:

Զաղկեցայ մեղօք, ձաղեցին տեսողք, ձանձրացաւ հոգիս: Ղեղի դառնութեան, զողեալ ի

1005
2007



սիրտ իմ, զամբարս փակեցի, Տէր ողորմեա, և ին:

Ճաշակմամբ մեղաց, ճաշեցի դեմս, ճարս աղբատացայ: Մեռեալ եմ հողումս, մոլորեալ մըտօքս, միայն կամ մարմնովս, Տէր ողորմեա, և ին:

Յորոգայթ մահու, յորսողին անկայ, յաղթեցայ յախտից: Նետից թշնամուցն, նշաւակ եղէ, նոր միշտ խոցտիմ, Տէր ողորմեա, և ին:

Շուրջ պատեալ զինեւ, շունք բազումք եղեն, շաղախին արեամբս: Որս եղէ չարին, ուռկանաւ մեղաց, որսացաւ զանձն իմ, Տէր ողորմեա, և ին:

Չարաչար վշտօք, չարչարի անձն իմ, չունիմ դադարումն: Պարտապան գտայ, պարտուց յանցանաց, պարտեալս ի մեղաց, Տէր ողորմեա, և ին:

Չանամ զղջանալ, Չեռանիմ դարձեալ, Չեռնում հրով մեղաց: Ռաբբի կոչեցայ, ռակայ անուանիմ, ռամկական վարուքս, Տէր ողորմեա, և ին:

Սիրով ցանկութեան, սաստիկ բարկութեան, սիրտ իմ խոցեալ է: Վիրօք յանցանաց, վշտանայ հոգիս, վարանեալ չըջիմ, Տէր ողորմեա, և ին:

Տիրեցին ինձ չարք, տարագիր հանին, տիրական գրկացն: Բարունուցն բարուց, բախճական ձայնին, բոտինս ո՛չ լուայ, Տէր ողորմեա, և ին:

Յանկութիւն չարեաց, ցանկալի գիմօք, ցաւեցոյց զաչս իմ: Իլերաքանչիւրոց, լիւսմամբ խուռն ախտից, լիւծեալ է հոգիս, Տէր ողորմեա, և ին:

Փութացիր անձն իմ, փախչիլ ի չարեաց, փափաքիլ բարեաց: Քեզ միշտ մերձ ծանիր, քուն

մահու եկեալ, քննող դատաւոր, Տէր ողորմեա, և լին. :

Աստուածածնին բարեխօսութեամբ, յիշեա Տէր և ողորմեա :

Քննչ. Չքէն գոհանամք, և լին. :



Կանոնագրութի կարգաւ ըստ ՈՒԹ՝ ձայնիցն

Աձ. Դատեա՛ Տէր զայնոսիկ, ոյք դատեն զիս, ալէլուիա : Մարտիր ընդ այնոսիկ, որք մարտընջին ընդ իս, ալէլուիա :

Առ զքէն և զասպար քո և արի՛ օգնել ինձ, հա՛ն զսուր քո ընդդէմ հալածչաց իմոց, արգել զնոսա, և ասա դու զանձն իմ թէ փրկութիւն քո ես եմ, ալէլուիա :

Ամաչեսցեն և յամօթ լիցին՝ ոյք խնդրէին զանձն իմ, դարձցին յետս և ամաչեսցին ոյք խորհէին ինձ չար :

Եղեցին նոքա որպէս փոշի առաջի հողմոյ, և հրեշտակ Տեառն նեղեսցէ զնոսա :

Եղիցին ճանապարհք նոցա ի խաւար և ի գայթակղութիւն և հրեշտակ Աստուծոյ հալածեսցէ զնոսա :

Ի նանիր թագուցին ինձ որոգայթ ապականութեան իւրեանց, և ի նանիր նախատեցին զանձն իմ :

Վ. Տէր՝ յերկինս է ողորմութիւն քո, ճշմարտութիւն քո մինչեւ յամպս, ալէ. ալէ. :

Արդարութիւն քո որպէս լերինք Աստուած,

իրաւունք քո որպէս խորք բազումք, զմարդիկ և զանասունք կեցուցանես դու Տէր, ալէ. :

Որպէս զի բազում արարեր զողորմութիւն քո Աստուած, այլ որդիք մարդկան ի հովանի թեւոց քոց յուսասցին :

Արբեսցին նոքա ի պարարտութենէ տան քո, և զուղիս փափկութեան քո տացես ըմպել նոցա :

Ի քէն է Տէր աղբիւր կենաց, և լուսով երեսաց քոց տեսանեմք զլոյս :

Ծագեա՛ զողորմութիւնս քո՝ որք ճանաչեն, զքեզ, զարգարութիւնս քո ոյք ուղիղ են սրտիւք :

Մի՛ եկեսցեն ի վերայ մեր ոտք ամբարտաւանից, և ձեռք մեղաւորաց մի՛ զողացուցեն զմեզ :

Անդ անկցին ամենեքեան՝ ոյք գործեն զանօրէնութիւն, մերժեսցեն և այլ մի՛ կարասցեն հաստատել :

Փառք Հօր. Այժմ և միշտ. Ալէ. ալէ. :



Ակ. Ասաց անզգամն ի սրտի իւրում թէ ո՛չ գոյ Աստուած, ալէլուիա : Ապականեցան և պղծեցան յանօրէնութեանց իւրեանց, և ո՛չ ոք է որ առնէ զքաղցրութիւն, ալէլուիա :

Աստուած յերկնից նայեցաւ յամենայն որդիս մարդկան, տեսանել թէ իցէ՞ ոք իմաստուն որ խնդրիցէ զԱստուած, ալէ. :

Ամենեքեան խոտորեցան ի միասին և անպիտանացան :

Ո՛չ ոք է որ առնէ զբարի, և չէ ոք մինչեւ ի մի : Որպէս ո՛չ ծանիցեն ամենեքեան ոյք գործեն զանօրէնութիւն :

Ոյք ուտէին զժողովուրդ իմ որպէս կերակուր հացի, և առ Աստուած ո՛չ կարգացին:

Ֆ. Ձի ոչ գոյր նոցա փոխանակ, և ո՛չ երկեան յԱստուծոյ, ալէ. ալէ.:

Ձգեաց զձեռն իւր ի հատուցանել նոցա, և նոքա պղծեցին զօրէնս նորա:

Բաժանեցան ի սրտմտութենէ երեսաց նորա, և եհաս ի սիրտս նոցա:

Կահուղ էին բանք նոցա քան զձէթ, և ինքեան որպէս սլաք:

Ընկեա՛ ի տէր զհոգս քո և նա կերակրէ զքեզ, և ո՛չ տայ յաւիտեան սասանութիւն արդարոյ:

Դու Աստուած իջուցես զնոսա ի գուբ ապականութեան, արք արիւնահեղք և նենգաւորք մի՛ հասարակեացեն զաւուրս իւրեանց, այլ ես ի քեզ Տէր յուսացայ:

Փառք Հօր. Այժմ և միշտ. Ալէ. ալէ.:

Բձ. Ի քեզ Տէր յուսացայ մի՛ ամաչեցից յաւիտեան, ալէլուիա: Յարգարութեան քում փրբեա և ապրեցո զիս, ալէլուիա:

Խոնարհեցո՛ առ իս զունկն քո, և կեցո՛ զիս:

Լեր իմ Աստուած ապաւէն, և տեղի ամուր կեցուցանել զիս, զի հաստատութիւն իմ և ապաւէն իմ դու ես:

Աստուած իմ, փրկեա՛ զիս ի ձեռաց մեղաւորի, ի ձեռաց անօրինի և անիրաւի:

Դու ես համբերութիւն իմ Տէր, Տէր յոյս իմ ի մանկութենէ իմմէ:

Ի քեզ հաստատեցայ ես յարգանդէ յորովայ-

նէ մօր իմոյ դու ես ապաւէն իմ, և առ իքէն է. օգնութիւն իմ յամենայն ժամ:

Ֆ. Երկիրպագցեն նմա ամենայն թագաւորք երկրի, և ամենայն ազգք ծառայեացեն նմա, ալէ. ալէ.:

Ձի փրկեաց զաղքատն ի ձեռաց հօրի, զաղքատն և զտնանկն, որոյ ոչ է իւր օգնական:

Անխայեացէ նա յաղքատն և ի տնանկն, և զանձինս տնանկաց կեցուցէ ի վաշխից չարաց փրկեացէ զանձինս նոցա:

Պատուական է սնուն նորա առաջի նոցա, կեցցէ և տացի նմա յոսկւոյն արաբացւոց:

Յաղօթս կացցեն առ նա յամենայն ժամ, և զօրհանապազ օրհնեացեն զնա:

Եղիցի հաստատութիւն ընդ ամենայն երկիր, և ի վերայ գլխոց լերանց:

Բարձրացի քան գլխրանան պտուղ նորա, և ծաղկեցի ի քաղաքի Տեառն որպէս խոտ երկրի:

Եղիցի անուն Տեառն օրհնեալ յաւիտեան, զի յառաջ քան զարեւ է անուն նորա:

Ի նա օրհնեցին ամենայն ազգք երկրի, և ամենայն ազինք երանիցեն նմա:

Օրհնեալ Տէր Աստուած Իսրայելի որ առնէ սքանչելիս միայն, և օրհնեալ է անուն սուրբ փառաց նորա յաւիտեան, լցցի փառօք նորա ամենայն երկիր եղիցի եղիցի:

Փառք Հօր. Այժմ և միշտ. Ալէ. ալէ.:

Բկ. Չողորմութիւնս քո Տէր յաւիտեան օրհնեցից ալէլուիա: Ազգէ յազգ պատմեցից զճըշ-

մարտութիւնս քո բերանով իմով, ալէլուիա:

Ասացեր թէ աշխարհս ողորմութեամբ շինեսցի, յերկինս պատրաստ եղիցի ճշմարտութիւն քո:

Եղի ուխտ ընտրելոց իմոց, երդուայ Դաւթի ծառայի իմոյ:

Յաւիտեան հաստատեցից զդաւալ քո և շինեցից յազգէ յազգ զաթոռ քո:

Սոստովան եղիցին երկինք սքանչելեաց քոց Տէր և ճշմարտութիւն քո յեկեղեցիս սրբոց:

Ո՞վ է յամպս որ հաւասարի քեզ, կամ ո՞վ նմանիցի Տեառն յորդիս Աստուծոյ:

Վի. Դարձուցեր զօգնութիւն ի սրոյ նորա, և ո՛չ ընկալար զնա ի պատերազմի, ալէ. ալէ.:

Անարգեցեր զսրբութիւն նորա, և զաթոռ նորա յերկիր կործանեցեր:

Նուազ արարեր զաւուրս ժամանակաց նորա, և հեղեր զնովաւ զամօթ:

Մինչեւ յե՞րբ դարձուցանես զերեսս քո իսպառ, բորբոքեսցի որպէս հուր բարկութիւն քո:

Իսկ արդ յիշեա՛ և տե՛ս թէ ո՞վ է իմ հանգիստ, միթէ ի զո՞ւր ինչ ստեղծեր զամենայն որդիս մարդկան:

Ո՞վ է մարդ որ կեցցէ և ո՛չ տեսցէ զմահ, կամ փրկեսցէ զանձն իւր ի ձեռաց դժոխոց:

Ո՞ւր են ողորմութիւնք քո Տէր առաջինք, զոր երդուար Դաւթի ճշմարտութեամբ քով:

Յիշեա զնախատինս ծառայի քո, զոր ընկալայ ի ծոց իմ յազգաց բազմաց:

Զոր նախատեցին թշնամիք քո Տէր, նախատեցին փոխանակ օժելոյ քո:

Օրհնեալ Տէր Աստուած յաւիտեանս յաւիտենից, եղիցի եղիցի:

Փառք Հօր. Այժմ և միշտ. Ալէ. ալէ.:



Գձ. Սոստովան եղերուք Տեառն զի քաղցր է, ալէլուիա: Զի յաւիտեան է ողորմութիւն նորա, ալէ.:

Ո՛ խօսեսցի զգօրութիւնս Տեառն, լսելի արացէ զամենայն օրհնութիւնս նորա:

Երանի ոյք պահէն զիրաւունս, և առնեն զարդարութիւն յամենայն ժամ:

Յիշեա զմեզ Տէր ընդ հաճոյս ժողովրդեան քո, և այց արա մեզ ի փրկութեան քում:

Տեսցո՛ւք մեք զքաղցրութիւն ընտրելոց քոց, ուրախ եղիցուք մեք յուրախութիւն ազգի քո, և գովիցուք մեք ի ժառանգութեան քում:

Մեղաք մեք ընդ հարսն մեր, անօրինեցաք և յանցեաք:

Վի. Մատնեաց զնոսա ի ձեռս հեթանոսաց, տիրեցին նոցա ատելիք իւրեանց, և թշնամիք իւրեանց նեղեցին զնոսա, և խոնարհ եղեն ի ներքոյ ձեռաց նոցա, ալէ. ալէ.:

Բազում անգամ փրկեաց զնոսա, և նոքա դառնացուցին զնա ի խորհուրդս իւրեանց, և կորացան յանօրէնութեան իւրեանց:

Հայեցաւ Տէր ի նեղութիւնս նոցա, ի լսել ձայնի աղօթից նոցա:

Յիշեաց զուխտ իւր, և զղջացաւ ըստ բազում ողորմութեան իւրում, և ետ զնոսա ի զթութիւնս առաջի ամենայն գերչաց նոցա:

Փրկեա՛ զմեզ Տէր Աստուած մեր, և ժողովեա զմեզ ի հեթանոսաց:

Սոստովան եղիցուք անուան քում սրբոյ, և պարծեսցուք յօրհնութիւնս քո:

Օրհնեալ Տէր Աստուած Իսրայելի, յաւիտեանս յաւիտենից:

Եւ ասասցէ՛ ամենայն ժողովուրդն, եղիցի եղիցի:

Փառք Հօր. Այժմ և միշտ. Ալէ. ալէ.:



Գկ. Արարի իրաւունս և արդարութիւն, ալէլուիա: Մի՛ մատներ զիս ի ձեռս նեղչաց իմօց, ալէլուիա:

Ընկալ զծառայս քո ի բարի, զի մի՛ ամբարտաւանք զգուեսցեն զիս:

Սպասեցին աչք իմ փրկութեան քում Տէր, և բանից արդարութեան քում:

Արա՛ ընդ ծառայի քում Տէր ըստ ողորմութեան քում զարդարութիւնս քո ուսո՛ ինձ:

Ծառայ քո եմ ես, իմաստուն արա զիս, և ծանեայց զվկայութիւնս քո:

Ժամ է պաշտել զՏէր, խափանեցին զօրէնս քո:

Ֆ. Մերձեսցին խնդրուածք իմ առաջի քո Տէր, ըստ բանի քում իմաստուն արա զիս, ալէ. ալէ.:

Մտցեն աղօթք իմ առաջի քո Տէր և բանիւ քո փրկեա զիս:

Բղխեսցեն շրթունք իմ զօրհնութիւնս քո, յորժամ ուսուսցես ինձ զարդարութիւնս քո:

Սօսեսցի լեզու իմ զբանս քո, զի ամենայն պատուիրանք քո արդարութեամբ են:

Եղիցի ձեռն քո ի կեցուցանել զիս, զի զպատուիրանս քո ընտրեցի:

Ցանկացայ փրկութեան քում Տէր, և օրէնք քո խօսք իմ էին:

Կեցցէ՛ անձն իմ օրհնեսցէ զքեզ, և իրաւունք քո օգնեսցեն ինձ:

Մոլորեցայ ես որպէս զոչխար կորուսեալ, խնդրեա՛ զծառայս քո, զի զպատուիրանս քո ես ո՛չ մոռացայ:

Փառք Հօր. Այժմ և միշտ. Ալէ. ալէ.:



Դձ. Օրհնեա անձն իմ զՏէր օրհնեցից զՏէր ի կեանս իմ, ալէ. : Սաղմոս ասացից Աստուծոյ իմոյ մինչեւ եմ ես, ալէ. :

Մի՛ յուսայք յիշխանս յորդիս մարդկան, զի ո՛չ գոյ փրկութիւն ի նոսա:

Ելցէ՛ հոգի ի նոցանէ և դարձցին անդրէն ի հող, և յայնմ աւուր կորիցեն ամենայն խորհուրդք նոցա:

Երանի՛ ազգի որոյ Տէր Աստուած Յակոբայ օգնական է նմա, և յոյս նորա ի Տէր Աստուած է:

Ո՛ր արար զերկինս և զերկիր, զծով և զամենայն որ ի նոսա:

Ո՛ր պահէ զճշմարտութիւն յաւիտեան, և առնէ իրաւունս զրկելոց:

Ֆ. Գովեա Երուսաղէմ զՏէր, ալէ. :

Եւ օրհնեա զԱստուած քո Միօն:

Ձի զօրացոյց զնիզս դրանց քոց և օրհնեաց զորդիս քո ի քեզ:

Ո՛ր եզ զսահմանս քո ի խաղաղութիւն, պարտութեամբ ցորենոյ յցոյց զքեզ:

Առաքէ զբան իւր յերկիր, վաղվաղ ընթանան պատգամք նորա:

Դնէ զձիւն որպէս զասր և զմէզ որպէս փոշի ցանեաց:

Արկանէ զսառն որպէս պատառս, առաջի ցըրտոյ նորա ո՞ր կարէ կեալ:

Առաքէ զբան իւր և հալէ զնոսա, շնչեսցեն հողմք և գնասցեն ջուրք:

Պատմէ զբան իւր Յակոբայ, զարդարութիւն և զիրաւունս Իսրայելի:

Ո՛չ այսպէս արար ամենայն ազգաց Տէր, և զգատաստանս իւր ո՛չ յայտնեաց նոցա:

Փառք Հօր. Այժմ և միշտ. Ալէ. ալէ.:



Դկ. Սիրեցից զքեզ Տէր զօրութիւն իմ, ալէ. : Տէր հաստատիչ իմ, ապաւէն իմ և փրկիչ իմ, ալէ. :

Աստուած օգնական իմ, և ես յուսամ ի նա, ապաւէն իմ եղջիւր փրկութեան իմոյ՝ ընդունելի իմ է:

Օրհնելով կարգացից առ Տէր, և ի թշնամեաց իմոց ապրեցայց:

Շուրջ եղեն զինեւ երկունք մահու, և ուղիք աւորէնութեան խոռվեցուցին զիս:

Վիշտք դժոխոց պաշարեցին զիս, և ժամանեցին ինձ որոգայթք մահու:

Ի նեղութեան իմում ես առ Տէր կարգացի, և առ Աստուած իմ աղաղակեցի:

Ի. Զգեցուցիր ինձ զօրութիւն ի պատերազմի, և զյարուցեալսն ի վերայ իմ ներքոյ իմ արարեր, ալէ. ալէ.:

Զթշնամիս իմ հալածական արարեր և զատելիս իմ սատակեցեր:

Աղաղակեցին և ո՛չ ոք էր որ փրկէր զնոսա, կարգացին առ Տէր և ո՛չ լուաւ նոցա:

Մանրեցից զնոսա որպէս փոշի առաջի հողմոյ, և որպէս կաւ գոհաց կոխեցից զնոսա:

Փրկեսցէ զիս Տէր ի հակառակութենէ ժողովրդոց, և կացուցէ զիս գլուխ հեթանոսաց:

Ժողովուրդ՝ զոր ո՛չ գիտէի, ծառայեաց ինձ, և ի լուր ականջաց լուաւինձ:

Որդիք օտարաց ստեցին ինձ, որդիք օտարաց մաշեցին և կաղացան ի շաւղաց իւրեանց:

Կենդանի է Տէր և օրհնեալ է Աստուած, և բարձր եղիցի Աստուած փրկութեան իմոյ:

Աստուած է որ խնդրէ զվրէժ իմ, և հնազանդ առնէ զժողովուրդս ընդ ինեւ:

Փրկիչ իմ ի թշնամեաց իմոց բարկացողաց, յայնցանէ որք յարուցեալ են ի վերայ իմ՝ բարձր արարեր զիս, և յառնէ յանիրաւէ փրկեցեր զիս:

Վասն այսորիկ՝ խոստովան եղէց քեզ ի հեթանոսս, և անուան քում սաղմոս ասացից:

Մեծ արարեր զփրկութիւն թագաւորի նորա, առնել ողորմութիւն ընդ օծելոյ նորա Դաւթի և ընդ զաւակի նորա յազրէ մինչեւ յազգ:

Փառք Հօր. Այժմ և միշտ. Ալէ. ալէ.:



ՀԱՆԳՍՏԵԱՆ ՇԱՐԱԿԱՆ ՍԱՂՄՈՍԲ ԸՆԴ ՈՒԹ ՁԱՅՆԻՑ

Ի տերունի արուրս եթե ձայնն ամ է, արև գալս
Տէ՛ր, ո՞վ կացցէ ի խորանի քում, կամ ո՞վ
բնակեցէ ի լեանն սուրբ քո:


Որ գնայ անբիծ գործէ զարդարութիւն, խօսի
զճշմարտութիւն ի սրտի իւրում:

Որ ոչ նենգաւորեաց լեզուաւ իւրով, և չար ըն-
կերի իւրում ո՛չ արար:

Նախատինս ի մերձաւորաց նա ո՛չ առնու, ար-
համարհեալ է առաջի նորա չարագործն:

Ձերկիւղածս Տեառն փառաւոր առնէ, որ երդ-
նու ընդ ընկերի իւրում և ոչ ստէ:

Չարծաթ իւր ի վարձու ո՛չ տայ, և կաշառս
ի վերայ իրաւանց ո՛չ առնու, որ զայս արասցէ
նա մի՛ սասանեսցի յաւիտեան:



Սաղմոս ամ. Տէ՛ր, մի՛ սրտմտութեամբ քով
յանդիմաներ զիս և մի՛ բարկութեամբ քով խրա-
տեր զիս:

Ողորմեա՛ ինձ Տէր, զի հիւանդ եմ ես, բժըշ-
կեա զանձն իմ զի խոռովեցան ոսկերք իմ:

Անձն իմ յոյժ խոռովեցաւ և դու Տէ՛ր մի՛նչեւ
յե՞րբ:

Դա՛րձ Տէր, և փրկեա՛ զանձն իմ, կեցո՛ զիս
Տէր բառ ողորմութեան քում:

Զի ո՛չ ոք է որ ի մահու յիշէ զքեզ, կամ ի
դժոխս խոստովան առնիցի առ քեզ:

Վաստակեցայ ես ի հեծութեան իմում, լուա-


ցի զամենայն գիշեր զմահիճս իմ, և արտասուօք
իժովք զանկողինս իմ թացի:

Սոռովեցաւ ի սրտմտութենէ ակն իմ, մաշեցայ
ես ի վերայ ամենայն թշնամեաց իմոց:

Ի բաց կացէք յինէն ամենեքեան, ոյք գործէք
զանօրէնութիւն:

Լուաւ Տէր ձայնի լալոյ իմոյ, լուաւ Տէր աղօ-
թից իմոց և Տէր զինդրուածս իմ ընկալաւ:

Ամաշեսցեն և խոռովեսցեն յոյժ ամենայն թըշ-
նամիք իմ, դարձցին յետս և ամաշեսցեն յոյժ
վաղվաղակի և խոռովեսցին:



Սաղմոս ակ. Բարձր առնեմ զքեզ Տէր զի ըն-
կալար զիս և ո՛չ ուրախ արարեր զթշնամին իմ
յիս:

Տէր Աստուած իմ, կարդացի առ քեզ և բժշկե-
ցեր զիս, Տէր հաներ ի դժոխոց զանձն իմ և փրկե-
ցեր զիս յայնցանէ, որք իջանեն ի գուբ:

Սաղմոս ասացէք Տեառն սուրբք նորա, և խոս-
տովան եղերուք յիշատակի սրբութեան նորա:

Սրտմտութիւն է ի բարկութեան նորա, և
կեանք են ի կամաց նորա:

Ընդ երեկոյս հանդիցեն լալիք, առաւօտու ե-
ղիցի ուրախութիւն:

Ես ասացի ի բարեկենդանութեան իմում, թէ
ո՛չ սասանեսցայ յաւիտեան:

Տէր ի կամս քո ետուր գեղոյ իմոյ զօրութիւն,
դարձուցեր գերեսս քո յինէն և ես եղէ խոռվեալ:

Առ քեզ Տէր կարդացի և առ Աստուած իմ ա-
ղաղակեցի, զի՞նչ օգուտ է քեզ յարենէ իմմէ թէ
իջանեմ ես յապականութիւն:

Միթէ՛ հող խոստովա՞ն աննիցէ առ քեզ, կամ պատմեացէ՞ զճշմարտութիւնս քո:

Լուաւ ինձ Տէր և ողորմեցաւ, և Տէր եղել ինձ օգնական:

Դարձոյց զսուգ իմ յուրախութիւն, եզերձ յինէն զքուրձ և ինձ զգեցոյց զուրախութիւն:

Որպէս սաղմոս ասասցեն քեզ փառք իմ, և այլ մի՛ եւս զղջացոյց, Տէր Աստուած իմ յաւիտեան խոստովան եղէց քեզ:



Սաղմոս քձ. Աստուած յանուան քում կեցս զիս, և ի զօրութեան քում իրաւ արա ինձ:

Աստուա՛ծ, լուր աղօթից իմոց, ունկնդի՛ր բանից բերանոյ իմոյ:

Օտարք յարեան ի վերայ իմ, և հզօրք խնդրեցին զանձն իմ, և ո՛չ համարեցան զքեզ Աստուած առաջի իւրեանց:

Ահա Աստուած օգնական իմ, և տէր ընդունող հոգւոյ իմոյ:

Ի դարձուցանել զչարն ի թշնամիսն իմ, ճըշմարտութեամբ քով սատակեա գնոսա:

Ես կամօք իմովք պատարագս մատուցից քեզ, և խոստովան եղէց անուան քում Տէր զի բարի է:

Յամենայն նեղութենէ իմմէ փրկեցեր զիս, և ի թշնամիս իմ ետես ակն իմ:



Սաղմոս քկ. Աստուած ողորմեա՛ մեզ և օրհնեա զմեզ, երեւեցո՛՛ զերեսս քո ի մեզ և ողորմեա մեզ:

Ճանաչել յերկրի զճանապարհս քո, յազինս ամենայն զփրկութիւնս քո:

Խոստովան եղիցին առ քեզ ժողովուրդք Աստուած, խոստովան եղիցին առ քեզ ժողովուրդք ամենայն:

Երկիր եա զպտուղ իւր, և օրհնեաց զմեզ, Աստուած Աստուած մեր:

Աստուած մեր օրհնեացէ զմեզ, ի նմանէ երկիցեն ամենայն ծագք երկրի:



Սաղմոս քձ. Հաճեցար Տէր ընդ երկիր քո, և դարձուցեր զգերութիւն Յակոբայ:

Թողեր զանիրաւութիւն ժողովրդեան քո, և ծածկեցեր զամենայն մեղս նոցա:

Լռեցուցեր զամենայն սրամտութիւնս քո, և դարձար ի բարկութենէ սրամտութեան քո:

Դա՛րձ առ մեզ Աստուած փրկիչ մեր, և դարձո՛՛ զսրամտութիւնս քո ի մէնջ:

Մի՛ յաւիտեան բարկանար մեզ Տէր, և մի ձգեր զբարկութիւն քո յազդէ մինչեւ յազդ:

Աստուած՝ դու դարձեալ կեցուցես զմեզ, և ժողովուրդք քո ուրախ եղիցին ի քեզ:

Յոյց մեզ Տէր զողորմութիւնս քո և զփրկութիւնս քո տո՛ւր մեզ:

Լուաք զի՞նչ խօսի Տէր Աստուած մեր, խօսեսցի զխաղաղութիւն ժողովրդեան իւրոյ առ սուրբս իւր և առ աշնոսիկ ոյք դարձեալ են առ նա սըրտիւք:

Սակայն մերձ է առ երկիւղածս իւր փրկութիւն նորա, բնակիլ փառաց նորա յերկրի մերում:

Ողորմութիւն և ճշմարտութիւն պատահեսցին արդարութիւն և խաղաղութիւն համբուրեսցին:

Ճշմարտութիւն յերկրէ բուսաւ, արդարութիւն յերկնից երեւեցաւ:

Տէր տացէ զքաղցրութիւն և երկիր մեր տացէ զպտուղ իւր, արդարութիւն առաջի նորա զնասցէ, զիցէ ի ճանապարհի զգնացս իւր:



Սաղմոս գկ. Տէր՝ լուր աղօթից իմոց՝ աղաղակ իմ առ քեզ եկեացէ, և մի՛ դարձուցաներ զերեսս քո յինչն:

Յաւուր նեղութեան իմոյ խոնարհեցո՛ւ առ իս զունկն քո, յորում աւուր կարգամ առ քեզ՝ վաղվաղակի լո՛ւր ինձ:

Սպառեցան որպէս ծուխ աւուրք իմ, և ոսկերք իմ որպէս խոխ չորացան:

Հարայ ես, որպէս խոտ և ցամաքեցաւ սիրտ իմ, մոռացայ ուտել զհաց իմ՝ ի ձայնէ հեծութեան իմոյ:

Կցեցաւ ոսկր իմ ի մարմին իմ, նմանեցայ ես հաւալասան անապատի:

Եղէ ես որպէս բու յաւերակի, տքնեցայ և եղէ ես որպէս ճնճղուկ միայն ի տանիս:

Նախատեցին զիս թշնամիք իմ զօրհանապաղ, և զովիչք իմ ինեւ երզնուին:

Զմոխիր որպէս զհաց կերի, և զըմպելին իմ արտասուօք խառնեցի:

Յերեսաց բարկութեան սրտմտութեան քո, զի դու բարձրացուցեր և խոնարհեցուցեր զիս:

Աւուրք իմ որպէս հովանի անցին, և ես որպէս խոտ ցամաքեցայ:

Դու Տէր յաւիտեան կաս, և յիշտտակ քո յազդէ մինչեւ յազդ:

Դու յարուցեալ զթասցիս՝ ի վերայ սիօնի ժամանակ զթալոյ նորա հասեալ է ժամ:



Սաղմոս դձ. Մերձեսցին խնդրուածք իմ առաջի քո Տէր, բառ բանի քում իմաստուն արա զիս:

Մտցեն աղօթք իմ առաջի քո Տէր և բանիւ քո փրկեա՛ զիս:

Բղխեսցեն չրթունք իմ զօրհնութիւնս քո, յորժամ ուսուցես ինձ կարգարութիւնս քո:

Պօսեսցի լեզու իմ զբանս քո, զի ամենայն պատուիրանք քո արգարութեամբ են:

Եղիցի ձեռն քո ի կեցուցանել զիս, զի զպատուիրանս քո ընարեցի:

Յանկացայ փրկութեան քում Տէր, և օրէնք քո խօսք իմ էին:

Կեցցէ անձն իմ օրհնեացէ զքեզ, և իրաւունք քո օգնեսցեն ինձ:

Մոլորեցայ ես որպէս զոչխար կորուսեալ, խնդրեալ զծառայս քո զի զպատուիրանս քո ես ո՛չ մոռացայ:



Ի տերունի աւուրս և թէ ձայնն զկ. և, առա գայս

Դկ. Ի խորոց կարգացի առ քեզ, Տէր, Տէր լուր ձայնի իմում:

Եղիցին ականջք քո ի լսել զձայն աղօթից իմոց:

Թէ զանօրէնութիւնս իմ քննես Տէր, Տէր իսկ ո՛ կարէ կալ առաջի քո զի ի քէն է քաւութիւն:

Վասն անուան քո համբերի Տէր, համբեր անձն
իմ բանի քում, յուսացաւ անձն իմ ի Տէր:

Ի պահէ առաւօտու մինչեւ երեկոյ, ի պահէ
յառաւօտու յուսացաւ Իսրայել ի Տէր:

Ի Տեառն է ողորմութիւն բազում, ի նմանէ է
փրկութիւն, և նա փրկեաց զԻսրայել յամենայն
նեղութեանց նոցա:



Սաղմոս դկ. Տէ՛ր լուր աղօթից իմոց, ուն-
կընդիր խնդրուածոց իմոց ճշմարտութեամբ
քով:

Լուր ինձ արդարութեամբ քով, և մի՛ մտաներ
ի դատաստան ընդ ծառայի քում, զի ո՛չ արդա-
բանայ առաջի քո ամենայն կենդանի:

Հայածեաց թշնամին զանձն իմ, խոնարհ ա-
րար յերկիր զկեանս իմ, և նստոյց զիս ի խաւարի
որպէս մեռեալ յաւխտենից:

Չանձրացաւ յիս հոգի իմ, և սիրտ իմ խոռովե-
ցաւ յիս:

Յիշեսցի զաւուրան զառաջինս, խորհեցայ յա-
մենայն դործս քո, յարարածս ձեռաց քոց խորհե-
ցայ և համբարձի առ քեզ զձեռս իմ:

Անձն իմ որպէս երկիր ծարաւի է առ քեզ,
վաղվաղակի լուր ինձ Տէր, զի նուաղեցաւ յինէն
հոգի իմ:

Մի՛ գարձուցաներ զերեսս քո յինէն, նմանի-
ցիմ այնոցիկ, ոյք իջանեն ի գուր:

Լսելի արա ինձ առաւօտու զողորմութիւնս քո,
զի ես ի քեզ Տէր յուսացայ:

Յոյց ինձ ճանապարհ, յոր և գնացից, զի առ
քեզ Տէր համբարձի զանձն իմ:

Փրկեա զիս ի թշնամեաց իմոց Տէր, զի զքեզ
ապաւէն ինձ արարի:

Ուսո՛ ինձ առնել զկամս քո զի դու ես Աստուած
իմ:

Հոգի քո բարի առաջնորդեսցէ ինձ ի յերկիր
ուղիղ:

Վասն անուան քո Տէր կեցուցես զիս, արդա-
րութեամբ քով հանցես ի նեղութենէ զանձն իմ:

Ողորմութեամբ քով սատակեաց զթշնամիս
իմ, և կորո՛ զամենայն նեղիչս անձին իմոյ, զի
ես ծառայ քո եմ:



Ձկնի սաղմոսին աւետարան և ապա երգ ըստ
ձայնի



ԵՐԳ ՏԵԱՌՆ ՆԵՐՍԷՍԻ ԱՍԱՅԵԱԼ ՎԱՍՆ
ՆՆՁԵՑԵԼՈՅ

Ակ. գկ. Ճանապարհ մոլորելոց և ճառագայթ
խաւարելոց, հրաւիրեցեր զորդիս լուսոյ ի յերկ-
նային հարսանիս քո, ընդ զուարճալից անդ ժո-
ղովոց. արժանացս զսա դասուց, լի լապտերօք
մոյժ յառազաստ ըսգ իմաստուն սուրբ կուսա-
նացն:

Մերով բնութեամբ զոր զգեցար ի փայտ խա-
չին բեւեռեցար, լուծանելով զմեզ ի մեղաց ի նա-
խահօրն կապանաց, լոյժ և զսա ի յանցանաց վասն
քո սուրբ չարչարանաց, լի լապտերօք և յն.:

Յետ կամաւոր մահու խաչի եղար ի նոր գե-
րեղմանի, երեքօրեայ թաղմամբ յերկրի նոր ըս-
տեղծեր զմեզ կենդանի, զիջեալս ընդ քեզ ի հող
մահու, վերադոչեա ձայնին փողոյ, լի լապտե-
րօք ելն. :

Աձ. գձ. Ռահ գործեալ երկնաւորաց՝ գան ա-
ռաջի քո նախընթաց, զընտրեալս քո ժողովելով
քեզ ընդ առաջ բերեն ամպով, ընդ աղաւնեաց օ-
ղապարից խառնեա զսա սուրբ երամից, զասա-
ւորեա զսա վերնոցն երգել զփառս ընդ զուարթ-
նոցն :

Սարսափին տարերք յերկրի՝ յորժամ փառօք
զաս հայրենի, արեգակսն լոյս խաւարի լուսինն
աստեղբքն նուաղին, զսա յաւուրն աներեկի լու-
սաւորեա լուսով քոյին, զասաւորեա ելն. :

Բկ. դկ. Աստուած անեղ, անժամանակ, Հայր
անսկիզբն և անքանակ, որդւոյ պատճառն ծնրնդ-
եամբ անճառ, հողւոյն բղխմամբ անքննարար,
աղաչեմք զքեզ զթած, երկայնամիտ և ողորմած,
ողորմեա քո ստեղծուածոյս՝ յուսով ի քեզ ննջե-
ցելոց :

Բանդ որ ի ծոց հօր միածին, և կերպարան
սկզբնատպին, որով երկինքը զոյացան, աշխարհ
լրիւ հաստատեցան, հայցեմք ի քէն Տէր և Փրկիչ
ամենողորմ և կեցուցիչ, ողորմեա ելն. :

Գերագոյն շնորհաց բաշխող երկնաւորաց և
երկրայնոց, կեանք և կենաց տուող հողի, Հօր և
Որդւոյ արարչակից, խնդրեմք ի քէն աղբիւր
բարեաց սրբուցանողը ծարաւեաց, ողորմեա
ելն. :

Բձ. դձ. Ժողովեալքս ի հրաժարումն ծառայի
քո յաշխարհէ, հայցեմք ի քէն արաասուելով և

պաղատիմք զայս ասելով, ճանապարհ ընդ քեզ
ելից՝ հանդուցելոյս լեր ուղեկից, ի յօթեւանս
հօր քո լուսոյ զննջեցեալսն մեր հանդո :

Ի փրկութեան մերոյ սկզբան մկրտեցար ի
Յորդանան, զոր շնորհեցեր նոր աւազան ի մաք-
րութիւն մեղաց մարդկան, հայցմամբ կրկին կա-
րապետին մէծին ի ծնունդս մկրտչին, ի յօթե-
ւանս ելն. :

Լուսաւոր ձայնիւ յերկնից զքեզ դաւանեաց
հայր էակից, աղաւնակերպ հողին իջեալ առ հա-
մագոյդ իւր հանդուցեալ, զմկրտեալս նովին հող-
ւով յորդեգրութիւն հօր հաւատով, ի յօթեւանս
ելն. :

Դձ. Զէակիցըզ հօր գորգի, փառաւորեմք ան-
լըռելի, որ իջեր յարգանդ կուսին, գաղամայինն
ստեր մարմին, աղաչանօք Աստուածածնին, ա-
նապական քում ծնողին, ողորմած Տէր ողորմեա
հողւոցն մեր ննջեցելոց :

Թագաւոր փառաց Քրիստոս որ ժամանեալ
զաս ի յերկնից ի վերայ թեւոց հողմոց քո հայրե-
նի կերպարանօք, և առնես հրափորձութեամբ
զքննութիւն որդւոց մարդկան, ողորմած ելն. :

Ուրախացան ազգքք մարդկան յորժամ լուան
զքո յարութիւնդ, նորափետուր զարդարեցան ի
յարութեան սուրբ միածնիդ, ողորմած ելն. :

Վերնական զօրացն պեա փողէ բարբառ աւե-
տաբեր, արիք մեռեալք որք յԱղամայ բանգի ահա
եկն փեսայ, ընդ հարսնացեալ մաքուր հողւոց
կարգեա զսա ի թիւ սրբոց, զասաւորեա ելն. :

ԱԼԷԼՈՒՔ ՅԱՐՈՒԹԵԱՆ ԿԻՒՐԱԿԷՑ

Ալէլուիա, ալէլուիա, ալէլուիա

Աձ. Ողորմութեամբ Տեառն լի եղև երկիր, և բանիւ Տեառն երկինք հաստատեցան: Եւ հոգւով բերանոյ նորա ամենայն զօրութիւնք նոցա:

Ալէ. Յարեաւ Աստուած և ցրուեցան ամենայն թշնամիք նորա: Փախեան ատելիք նորա յերեսաց նորա:

Փառք և երկիրպ. Այժմ և միշտ, ալէ.:

Ալէլուիա, ալէլուիա, ալէլուիա:

Ակ. Ծափս հարէք ամենայն հեթանոսք, աղաղակեցէք առ Աստուած ի ձայն ցնծութեան: Տէր բարձրեալ և ահարկու, թագաւոր մեծ ի վերայ ամենայն երկրի:

Ալէ. Հաճեցար Տէր ընդ երկիր քո, և դարձուցեր զգերութիւն Յակոբայ: Թողեր զանիրաւութիւն ժողովրդեան քո, և ծածկեցեր զամենայն մեղս նոցա:

Փառք և երկիրպ. Այժմ և միշտ, ալէ.:

Ալէլուիա, ալէլուիա, ալէլուիա:

Բձ. Յարեաւ Աստուած և ցրուեցան ամենայն թշնամիք նորա: Փախեան ատելիք նորա յերեսաց նորա:

Ալէ. Տէր թագաւորեաց զվայելչութիւն զգեցաւ: Զգեցաւ Տէր զօրութիւն ընդ մէջ իւր էած:

Փառք և երկիրպ. Այժմ և միշտ, ալէ.:

Ալէլուիա, ալէլուիա, ալէլուիա:

Բկ. Հաճեցար Տէր ընդ երկիր քո, և դարձուցեր զգերութիւն Յակոբայ: Թողեր զանիրաւութիւն ժողովրդեան քո, և ծածկեցեր զամենայն մեղս նոցա:

Ալէ. Օրհնեցէք մանկունք զՏէր, և օրհնեցէք զանունն Տեառն: Եղիցի անուն Տեառն օրհնեալ յայսմ հեռէ միջև յաւիտեան:

Փառք և երկիրպ. Այժմ և միշտ, ալէ.:

Ալէլուիա, ալէլուիա, ալէլուիա:

Գձ. Տէր թագաւորեաց զվայելչութիւն զգեցաւ: Զգեցաւ Տէր զօրութիւն ընդ մէջ իւր էած:

Ալէ. Գովեա Երուսաղէմ զՏէր, և օրհնեալ զԱստուած քո Սիօն: Զի զօրացոյց զնիգս դրանց քոց, և օրհնեաց զորդիս քո ի քեզ:

Փառք և երկիրպ. Այժմ և միշտ, ալէ.:

Ալէլուիա, ալէլուիա, ալէլուիա:

Գկ. Օրհնեցէք մանկունք զՏէր և օրհնեցէք զանունն Տեառն: Եղիցի անուն տեառն օրհնեալ, յայսմ հեռէ միջև յաւիտեան:

Ալէ. Կենդանի է Տէր, և օրհնեալ է Աստուած և բարձր էլիցի Աստուած փրկութեան իմոյ: Աստուած է որ խնդրէ զվրէժ իմ և հնազարդ առնէ զժողովուրդս ընդ ինեւ:

Փառք և երկիրպ. Այժմ և միշտ, ալէ.:

Ալէլուիա, ալէլուիա, ալէլուիա:

Դձ. Գովեա Երուսաղէմ զՏէր, և օրհնեալ զԱստուած քո Սիօն: Զի զօրացոյց զնիգս դրանց քոց, և օրհնեաց զորդիս քո ի քեզ:

Ալէ. Ծափս հարէք ամենայն հեթանոսք, աղաղակեցէք առ Աստուած ի ձայն ցնծութեան: Տէր բարձեալ և ահարկու, թագաւոր մեծ ի վերայ ամենայն երկրի:

Փառք և երկիրպ. Այժմ և միշտ, ալէ.:

Ալէլուիա, ալէլուիա, ալէլուիա:

Դկ. Կենդանի է Տէր և օրհնեալ է Աստուած և բարձր էլիցի Աստուած փրկութեան իմոյ: Աստ-

ւած է որ խնդրէ զվրէժ իմ և հնազանդ առնէ զժողովուրդս ընդ ինեւ:

Ալէ. Ծափս հարէք ամենայն հեթանոսք, աղաղակեցէք առ Աստուած ի ձայն ցնծութեան: Տէր բարձեալ և ահարկու, թագաւոր մեծ ի վերայ ամենայն երկրի:

Փառք և երկիրպ. Այժմ և միշտ, այլ.:



Եղիցի անուն Տեառն օրհնեալ, ի յայսմ հետէ մինչեւ ի յաւիտեան: Օրհնեցէ՛ք, մանկունք զՏէր, և օրհնեցէք զանուն Տեառն:

Եղիցի անուն Տեառն օրհնեալ ի յայսմ հետէ մինչեւ ի յաւիտեան: Յարեւելից մինչ ի մուտս արեւու օրհնեալ է անուն Տեառն: Ի յայսմ հետէ մինչեւ ի յաւիտեան:

Փառք և երկրպագութիւն Հօր և Որդոյ և սրբբայ Հոգւոյն. և այժմ և միշտ և յաւիտեանս յաւիտենից ամէն. ի յայսմ հետէ մինչեւ ի յաւիտեան:

Դպ. Արի՛, Տէր, օգնեա՛ մեզ, և փրկեա զմեզ, վասն անուան քո:

Արի՛ և մի՛ մերժեր զմեզ իսպառ, վասն անւան քո:

Թագաւորեսցէ Տէր յաւիտեան՝ Աստուած քո Սիօն, յազգէ յազգ:

Օրհնեա՛, անձն իմ զՏէր, օրհնեցից զՏէր ի կենդանութեան իմոյ:

Դպ. Օրթի՛:

Քհնյ. Խաղաղութի՛ւն ամենեցուն:

Դպ. Եւ ընդ հոգւոյդ քում:

Դպ. Երկիրաճութեամբ լուարուք:

Քհնյ. Սրբոյ Աւետարանիս որ ըստ,

Դպ. Փա՛ռք քեզ, Տէր Աստուած մեր:

Դպ. Պոսիտումէ՛:

Դպ. Ասէ Աստուած:

Դպ. Փա՛ռք յարութեան քո, Տէր, ո՛չ դադարեցայց Քրիստոս, օրհնեալ զքեզ զամենայն աւուրս կենդանութեան իմոյ:



Փա՛ռք յարութեան քո, Տէր, ո՛չ դադարեցայց Յիսուս, գովել զքեզ զամենայն աւուրս կենդանութեան իմոյ:

Ես ոչ դադարեցայց, Փրկիչ, փառաւորել զքեզ զամենայն աւուրս կենդանութեան իմոյ:

Ի գիշերի համբարձէք զձեռս ձեր ի սրբութիւն, և օրհնեցէք զՏէր:

Աստ օրհնեցէք ամենայն ծառայք Տեառն՝ զՏէր ի սրբութիւն, և օրհնեցէք զՏէր:

Լուսապայծառ հրեշտակն՝ նստելով ի կենսատու զերեզմանին: Եւ աւետէր կանանց. յարեալ Աստուած:



ԵՐԳ ՄԵԾ ՊԱՀՈՑ ԿԻՒՐԱԿԷԻՑՆ

(Երիցս կրկնեա՛ և գլետիկն բարձր ասա)

Չամենայն աւուրս կենաց իմոց, ես ո՛չ դադարեցայց օրհնեալ զքեզ, Քրիստոս, փրկիչդ աշխարհի:

Զամենայն աւուրս: (Կրկնէ)

Ի գիշերի համբարձէք զձեռս ձեր ի սրբութիւն
և օրհնեցէք զՏէր:

Աստ օրհնեցէք ամենայն ծառայք Տեառն,
զՏէր ի սրբութիւն և օրհնեցէք զՏէր:

Քարտեան. Դասք լուսեղէն զուարթնոցն սպա-
սէին մեծի գալստեան Տեառն: Եւ երգէին երգ
նոր, օրհնեալ է քո սուրբ գալուստդ:

Համբարձման. Համբարձէ՛ք իշխանք, զգը-
րունս ձեր ի վեր: Եւ գայ մտանէ փառօք ի փառս:

Հոգեգարտեան. Իջեալ հոգին յառաքեալսն և
հրաղինեաց զընտրեալսն անկեղծ ի սուրբ վերնա-
տունն, և հանգեաւ նոքօք յազգս մարդկան զանա-
զան լեզուաց բաժանմամբ:

Վարդավառ. Յնծայ Թափօր Հերմոնիւ, և ա-
ռաքեալքն ի հայրական ձայնէն թմրեալք: Եւ
կենդանեաց և մեռելոց տէր ծանուցին զքեզ Մով-
սէս և Հեղիաս:

Խաչ. Այսօր եկեալ կամաւ Տէրն ի խաչ, և
տարածեաց զբազուկս իւր ի նմա:

Ծննդեան. Հոյլք հողեղէնք ընդ հովիւսն քա-
րոգէին ի յանբանից մըսուր զբանըն բազմեալ:
Եւ մոգքն աստեղըն գուշակեալ մատուցին զըն-
ծայսն խորհրդոյ:

Տեսնուրդառաջ. Քառասնօրեայ տղայ և Տէրն
օրինազիր տնօրինարար եկն ի տաճարն: Եւ Սի-
մէօն գգուէր զըրկօքն. և յօրինաց կապից լուծու-
մըն հայցէր ի կեանս աւետարանի:

ՕՐՀՆՈՒԹԻՒՆ ԱՌԱՒՈՏՈՒ

Գկ. Փա՛ռք ի բարձունս Աստուծոյ, և յերկիր
խաղաղութիւն, ի մարդիկ հաճութիւն: Եւ օրհ-
նութիւն քեզ ի բարձունս, օրհնեալ ես, Տէր Աս-
տուած մեր. օրհնեմք զքեզ և գովեմք զքեզ: Խոս-
տովանիմք Տէր զքեզ և երկիրպագանեմք քեզ.
Փառաւորեմք զքեզ, գոհանամք Տէր զքէն վասն
մեծի փառաց քոց: Տէր թագաւոր, սուրբդ երկնա-
յին, Աստուած և Հայր անմենակալ: Տէր և որդի
հօր միածին, Յիսուս Քրիստոս և սուրբ որդի: Տէր
Աստուած, Քառն Աստուծոյ և որդի հօր, որ առեր
զմերս ի կուսէն: Ողորմեցար, բարձեր զմեզս
աշխարհի, և արդ ընկալ զաղաչանս մեր: Սուրբդ
որ նստիս ընդ աջմէ Հօր, ողորմեաց մեզ: Զի դու
միայն սուրբ, դու միայն բարձրեալ ես, դու մի-
այն Տէր մեր Յիսուս Քրիստոս: Տէր և հոգիդ
սուրբ՝ որ ի փառս Աստուած ընդ հօր. Ամէն:

Եւ յամենայն ժամ օրհնեմք զքեզ Տէր, և գո-
վեմք զանուն սուրբ քո յաւիտեան և յաւիտեան
յաւիտենից: Արժանի արա, Տէր, զօրս գայս խո-
ղաղութեամբ և առանց մեղաց պահեալ զմեզ:
Օրհնեալ ես, Տէր Աստուած հարցն մերոց, գով-
եալ և փառաւորել է անուն սուրբ քո յաւիտե-
անս. ամէն: Օրհնեալ տէր, ուսո՛ ինձ զարդա-
րութիւնս քո (երիցս կրկնեա): Տէր, ապաւէն
եղեր մեր յազգէ յազգ: Ես աղաչեմ, Տէր, ողոր-
մեա ինձ և բժշկեա՛ զանձն իմ, ես մեղայ քեզ:
Յո՛ւյց մեզ Տէր զողորմութիւնս քո և զփրկութիւնս
քո տո՛ւր մեզ: Տէր, ողորմութիւն քո յաւիտեան,
զգործս ձեռաց քոց մի անտես առներ: Տէր իմ,
զքեզ ապաւէն ինձ արարի, ուսո՛ ինձ առնել զկամս

քո, զի դու ես Աստուած իմ: Ի քէն է Տէր, աղբիւր կենդանութեան և լուսով երեսաց քոց տեսանեմք զյոյս: Ծագեա՛ զողորմութիւնս քո՝ որք ճանաչեն զքեզ Տէր:

Մաղթ. Փառք, պատիւ և երկրպագութիւն ի բարձունս Հօր և Որդւոյ և Հոգւոյն սրբոյ. այժմ և միշտ:

Աձ. ալ. Ձյարութիւն զՓրկչին օրհնեսցուք, զՓրկչին մերոյ օրհնեսցուք զյարութիւն:

Յարեաւ Աստուած և ցրուեցան ամենայն թրջնամիք նորա: Փախեան ատելիք նորա յերեսաց նորա:

Բձ. թկ. Ձյարութիւն զՓրկչին օրհնեսցուք: Ձյարուցեալն զՔրիստոս օրհնեսցուք, և զյարութիւն նորա փառաւորեսցուք:

Գձ. գկ. Ձյարութիւն զՓրկչին օրհնեսցուք: Որ ելն ի բարձունս և զերեսաց զգերութիւն. էառ աւար, բաշխեաց պարգեւս և ետ սրդւոց մարդկան:

Դձ. դկ. Ձյարութիւն զՓրկչին օրհնեսցուք: Որ համբերեաց խաչի և եզաւ ի նորափոր վիմի, և Աստուածային յարութեամբն զմահացեալսն վերաբերեաց ի կեանս:



ԵՐԳ ՀԱՄԲԱՐՁՄԱՆ ՔՐԻՍՏՈՍԻ

Ձյարութիւն զՓրկչին օրհնեսցուք. զՓրկչին մերոյ օրհնեսցուք զյարութիւն:

Համբարձաւ Աստուած օրհնութեամբ և Տէր մեր ճայնիւ փողոյ:

Հոգեգալստեան. Ձգալուսա Հողւոյն օրհնեսցուք. զՀողւոյն սրբոյ օրհնեսցուք զգալուսա: Յեկեղեցիս բարեբանեցէք զԱստուած և զՏէր յաղբերացն Իսրայելի:

Ծաղկագարդի. Այսօր մտանէ թաղաւորն մեր Քրիստոս ի յերուսաղէմ նոր քաղաք Դաւիթի:

Ընդ առաջ ելին ծերքն ոստովք ձիթենեօք, և զԱստուածորդին փառաւորէին:

Վառդավառի. Քո են երկինք և քո է երկիր, զաշխարհս լրիւ իւրով դու հաստատեցեր:

Չհիւսիս և զհարաւ դու արարեր, Թափօր և Հերմօն յանուն քո ցնծացեն:

Ծնեղեան և Աւետման. Իջցէ որպէս զանծրեւ ի վերայ զեղման, որպէս ցօղ զի ցօղէ յերկիր:


Աստուած զիրաւունս քո արքայի տուր, և զարդարութիւն քո սրդւոյ թաղաւորի:

Սաչի. Ետուր երկիւղածաց քոց նշան, զի աղբեսցին յերեսաց աղեղան:

Որպէս փրկեցին սիրելի քո, կեցս աջով քով և լուր մեզ:

Յայտնութեան և Տեսուերկառաջի. Արեգայն արգարութեան այսօր յայտնեցար ազգի մարդկան, մարդ եղեալ սրբեցիր զՉուրս վերածեալ զմեզ մկրտութեամբ սրբոյ Հողւոյն:

Ի վայելչութիւն փառաց սրբութեան քո, ի յարգանդէ յառաջ քան զարուեսալ ծնայ զքեզ, մարդ եղեալ:



Դպ. Սուրբ Աստուած, սուրբ և հօր, սուրբ և անմահ, որ... վասն մեր, ողորմեա՛ մեզ: (Երիցս կրկնեա):

Փառաւորեալ և օրհնեալ միշտ սուրբ կոյս տո զաղաչանս մեր որդւոյ քո և Աստուծոյ մերոյ: ՄԱՂԹ. Փրկել զմեզ ի փորձութենէ և յամենայն վտանգից մերոց:

ՔԱՐՈԶ. Եւ եւս խաղաղութեան զՏէր աղա.:

Վասն լսելի լինելոյ Տեառն Աստուծոյ ձայնի աղաչանաց մերոց բարեխօսութեամբ սուրբ Աստուածածնին: Եւ իջանելոյ ի վերայ մեր ողորմութեան և գթութեան Տեառն Աստուծոյ: Ամենակալ Տէր Աստուած մեր, կեցո և ողորմեա:

ՍԱՂՄՈՍ ԶԺԲ.

Դպ. Եղիցի անուն Տեառն օրհնեալ, յայսմ հետէ մինչեւ յաւիտեան:

Օրհնեցէ՛ք մանկունք զՏէր, և օրհնեցէ՛ք զանունն Տեառն:

Եղիցի անուն Տեառն օրհնեալ, յայսմ հետէ մինչեւ յաւիտեան:

Յարեւելից մինչ ի մուտս արեւու օրհնեալ է անունն Տեառն:

Բարձր է ի վերայ ամենայն ազգաց Տէր, և յերկինս են փառք նորա:

Ով է որպէս Տէր Աստուած մեր ի բարձունս բնակեալ և զխոնարհս տեսանէ յերկինս և յերկրի:

Յարուցանէ զաղքատս յերկրէ և բարձր առնէ զտառապեալս յաղբերաց:

Նստուցանէ զնոսա իշխանս ընդ իշխանս ժողովրդեան իւրոյ:

Բնակեցուցանէ զամուլն ի տան ուրախամիտ, որպէս մայր որդւովք բերկրեալ: Օրթի, ևայն.:

ԵՐԳ ՄԻԱՇԱԲԱԹԻ ԱՒՈՒՐ

Դպ. Նորաստեղծեալ բանն յանէից ի սկզբանէ զերկինս երկնից, և զերկնային զօրս անմարմնոյ իմանալեացն զուարթնոց և զգալի տարերց քառից հակառակաց միաբանից, որով յաւէտ փառաբանի Երրորդութիւնն անճառելի:

Երեքսրբեան մի տէրութիւն, միով բնութեամբ աստուածութիւն, լոյս որ անեղ արարչական ասաց լինել լոյս եղական, զոր և ծագեաց յօրն առաջին միաշաբաթ կիւրակէին, որով յաւէտ փառաբանի Երրորդութիւն անճառելի:

Բարունօրէն բացատրեսցուք, զծածկեալ խորհուրդն ծանիցուք, զի լոյս անտես իմանալի, մաքուր հոգւոց տեսանելի, ի սոյն ծագեաց միաշաբաթ մեզ յարութեան սուրբ ճառագայթ, եկայք փրկեալք ընդ զուարթնոյն տուք օրհնութիւն յառուցելոյն:

Սէրդ սիրով խոնարհեցար, ի փրկութիւն մեր մարմնացար, նովին մարմնովն խաչեցար, ի գերեզման մահու եղար, այսօր յարեար աստուածարար, ի հրեշտակաց քարոզեցար, եկայք փրկ.:

Երեւեցար խնկաբերիցն յողջոյն կենաց ուրախալից, և ի լերինն Գալիլիա առաքելոց մետասանից, արժանացո զմեզ ընդ նոսին զքեզ տեսանել յօրն վերջին, եկայք փրկ.:

Սիօնի որդիք, զարթի՛ք, հարսին լուսոյ տուք աւետիք եթէ փեսայն քո յարուցեալ յաղթեաց մահու իշխանութեամբ. գայ պսակէ զքեզ փառօք, ել ընդ առաջ պճնեալ զարդուք, երգեա երգ նոր յարուցելոյն ննջեցելոց կենաց պտղոյն:

ԽՈՐՀՈՒՐԴ Ս. ՊԱՏԱՐԱԳԻ

Դպ. Խորհուրդ խորին անհաս անսկիզբն, որ զարգարեցեր զվերին պետութիւնդ. ի յառազաստ անմատոյց լուսոյն. գերապանծ փառօք զգասս հրեղինաց :

Անճառահարալ զօրութեամբ սակզներ զԱզամ պատկեր տիրական, և նազելի փառօք զգեստաւորեցեր ի զբախտն Ազենի տեղի բերկրանաց :

Չարչարանօք քո սուրբ միածնիդ, նորոգեցան արարածք ամենայն և վերստին մարդն անմահացաւ, զարգարեալ ի զգեստ անկողոպտելի :

Անձրեւածին բաժակ հրահոսան, որ հեղար յառաքեալսն ի սուրբ վերնատան, հեղ և ի մեզ Հոգիդ սուրբ Աստուած ընդ պատմութեանին զքո զիմաստութիւն :

Տան քում վալելէ սրբութիւն որ զգեցար զվալելլութիւն. սրբութիւն փառաց ընդ մէջ քո ածեալ, պատեա զմէջս մեր ճշմարտութեամբ :

Որ զարարչագործ բազուկս քո տարածեցեր ընդ դէմ աստեղաց, հաստատեա զբազուկս մեր կարողութեամբ. համբարձմամբ ձեռաց առ քեզ միջնորդել :

Ի իւսմամբ թաղ ի գլուխ պատեացես զմիտս և զգայարանս, խաչանիչ ուրարմամբ ըստ անարովնի ծաղկեալ ոսկեթել ի զարդ խորանին :


Բամից բոլորից տիրապէս աստուածպետական, նափորտապատ սիրով զմեզ զգեստաւորեցեր, քում սուրբ խորհրդոյդ լինիլ սպասաւոր :

Թաղաւոր երկնաւոր, զեկեղեցի քո անչարժ պահեա, և զերկրպագուս անուանդ քում պահեա ի խաղաղութեան :

Քհնյ. Եւ վասն սրբուհոյ Աստուածածնին :
Սրկ. Սուրբ զԱստուածածինն և զամենայն սուրբս բարեխօս արասցուք առ Հայր ի յերկինս զի կամեցեալ ողորմեսցի և զթացեալ կեցուցէ զարարածս իւր : Ամենակալ Տէր Աստուած մեր կեցո՛ւ և ողորմեա՛ :

Քհնյ. Ընկալ Տէր, զաղաչանս մեր բարեխօս :
Դպ. Յիշեցիր և զմեզ առաջի անմահ Գառինն Աստուծոյ :

Քհնյ. Յիշեալ լիջիք առաջի անմահ Գառինն Աստուծոյ :



ՓՈՒՏ

Դպ. Աղաղակեցէք առ Տէր ամենայն երկիր, ծառայեցէք Տեառն ուրախութեամբ :

Մտէք առաջի նորա ցնծութեամբ, ծաներուք զի նա է Տէր Աստուած մեր :

Նա արար զմեզ և ոչ մեք էաք, մեք ժողովուրդ և խաչն արժախ նորա :

Մտէք ընդ դրունս նորա խոստովանութեամբ և օրհնութեամբ ի յարկս նորա :

Սոստովան եղերուք Տեառն և օրհնեցէք զանուն նորա :

Քաղցր է Տէր, յախտեան է ողորմութիւն նորա, յազգէ մինչեւ յազգ է ճշմարտութիւն նորա :

Փառք հօր և որդոյ և հոգւոյն սրբոյ :

Այժմ և միշտ և յախտեանս յախտենից ամէն :

Սրկ. Սուրբ եկեղեցեալս աղաչեսցուք զՏէր՝ զի սովաւ փրկեսցէ զմեզ ի մեղաց և կեցուցէ շրնորհիւ ողորմութեան իւրոյ : Ամենակալ Տէր Աստուած մեր, կեցո՛ւ և ողորմեա՛ :

Քհնյ. Ի մէջ տաճարիս և առաջի ևայլն :

Մտից առաջի սեղանոյ Աստուծոյ առ Աստ-
ւած, որ ուրախ առնէ զմանկութիւն իմ :

Սրկ. Դատ արա ինձ, Աստուած, և իրաւ արա
ինձ ի դատաստանի իմում :

Քհնյ. Յազգէ որ ոչ է սուրբ ի մարդոյ մեղա. :

Սրկ. Օրհնեցուք զամենակալն Աստուած,
զՀայր Տեանն մերոյ Յիսուսի Քրիստոսի, որ ար-
ժանի արար զմեզ կալ ի տեղւոյս փառաբանու-
Աստուածածին, Մարիամ մայր Քրիստոսի, մա-
թեան, և երգել զերգս հոգեւորս, ամե. :

Քհնյ. Ի յարկի սրբութեան և ի տեղւոյս փա-
ռաբանութեան :



Շարական խնկարկութեան

Դպ. Յայս յարկ նուիրաց ուխտի Տեանն Տա-
ճարիս. ժողովեալքս աստանօր ի խորհուրդ պաշ-
տաման պաղատանաց յառաջիկայ Սուրբ Պատա-
րագիս, խնկովք անուշիւք խումբ առեալ պարեմք
ի վերնայարկ սրահս խորանիս, ուղղութեամբ
ընկալ զաղօթս մեր որպէս բուրումն անուշահոտ
խնկաց տաշխից և կինամոնաց. և զմատուցողս
պահեա սրբութեամբ միշտ և հանապազ քեզ ըս-
պասաւորել: Բարեխօսութեամբ մօր քո և կուսի
ընկալ զաղաչանս քոց պաշտօնէիցս: Որ գերագոյն
քան զերկինս պայծառացուցեր սուրբ զեկեղեցի
արեամբ քո Քրիստոս, և ըստ երկնայնոցն կարգե-
ցեր ի սմա զգաստ առաքելոց և մարգանէից,
սուրբ վարդապետաց, այսօր ժողովեալք դասք
քահանայից, սարկաւագաց, դպրաց և կղերիկո-

սաց, խոնկ մատուցանեմք առաջի քո Տէր, յօրի-
նակ ըստ հնումն Զաքարիայ, ընկալ առ ի մէնջ
ըստ խնկանուէր մաղթանս, որպէս զպատարագն
Աբէլի, զՆոյի և զԱբրահամու:

Բարեխօսութեամբ վերին քո զօրացդ միշտ
անշարժ պահեա զԱթոռ Հայկազնեայ:



ՇԱՐԱԿԱՆՔ ԹԱՓՈՐԻ

Աձ. Կանանցն կանխելով ի թաղումն կենդան-
ւոյն, տեսին ըզվէմն ի դրանցն ի բաց մերժեալ:
Թափուր ըզգերեզմանն և ունայն տեսանէին և
տըրտմութեամբ լային յուսահատեալք: Մայր
խաչեցելոյն զի՞ լաս յուսահատեալ, քանզի Քրիս-
տոս փառօք մեծաւ, յարեալ:

Իձ. Չայն աւետաւոր հրեշտակին զուարճա-
ցոյց զառաւօտեան կանայն, զՔրիստոսի պատ-
մելով զյարութիւն: Մի յուսահատիք տրտմու-
թեամբ այլ ցնծացէք բերկրելով. խնկազգեացք
աստուածայնոյն և փափաքողք յարութեան:

Գկ. Տեսիլ փայլակնածեւ զուարթնոյն ի վի-
մին հնչեցեալ առ խնկազգեաց կանայն, փարա-
տեցոյց զերկիւղալից տրտմութիւնն: Պահա-
պանքն պակուցեալ ահաբեկ լինէին և կանանցն
աւետաբանեալ մահ մահու յաղթեաց և ծանուցաւ
մահ: Քարողս առաքելով առ երջանիկ առաք-
եալսն, փութացարուք ի Գալիլիա և տեսանիցէք
զկենագործողն զՔրիստոս:

Դձ. Փառաբանակից Հօր Որդի, որ վասն մեր
խաչեցար, զղբժոխս աւերեալ յարմար մաւուր

երրորդի, փառք յարութեան քո Տէ՛ր: Հրեշտա-
կապետին իջումն որ զսահապանսն երկիւղիւ
զարհուրեցոյց առ դրանն զերեզմանին, փառք
յարութեան: Եւ ըսքանչեւի սուրբ կանանցն ա-
ւետարանէր ասելով. յարեաւ Քրիստոս յարու-
ցիչն մեռելոց. փառք յարութեան:

Արկ. Օրհնեա Տէր:

Քհնյ. Օրհնեալ թագաւորութիւն Հօր և:

Եւ ասի ժամամուտ ըստ պատշանի աւուրն

Արկ. Եւ եւս խաղաղութ. : Օրհնեա Տէր:

Քհնյ. Օրհնութիւն և: Սաղաղութիւն:

Դպ. Եւ ընդ հոգւոյդ քում:

Արկ. Աստուծոյ երկիրպագեսցուք:

Դպ. Առաջի քո, Տէր:

Քհնյ. Տէր Աստուած մեր, որոյ կարողութ. :



ՃԱՇՈՒ ՇԱՐԱԿԱՆՔ ՅԱՐՈՒԹԵԱՆ

Տեր թագաւորեաց զվայելչութիւն զգեցաւ

Աձ. Ձթագաւորն փառաց Քրիստոս քր վասն
մեր մարմնացաւ ի սրբոյ կուսէն և խաչի համբե-
րելով, միաբանութեամբ երգով բարբառնես-
ցուք: Որ զթագումն երեքօրեայ յանձն էառ յա-
րուցեալ ի մեռելոց իշխանութեամբ, միաբանու-
թեամբ: Կարողապէս զգրունս զժոխոց խոր-
տակեաց, եկեղեցւոյ իւրում զգեցոյց մեծվայել-
չութիւն, միաբանութեամբ:

Ակ. Թագաւորեաց Աստուած ի վերայ հեթա-
նոսաց և լուսադարեալ պայծառացոյց սուրբ զե-
կեղեցի, ժողովուրդք զՔրիստոսի բարբառնե-

ցեք: Ձգեցաւ Տէր զօրութիւն ընդ մէջ իւր էած,
բանգի շիջոյց զխայթոց մահու խաչին իւրով
սրբով, ժողովուրդք: Յարեաւ Աստուած և տիե-
զերք ամենայն նորափետուր զարդարեցան և ման-
կունքը հաղորդեցան մարմնոյ և արեան կենարա-
րին, ժողովուրդք:

Բձ. Թագաւորին յաւիտենից մատուցուք
զօրհներգութիւն որ ի կուսէն մարմնացաւ, հաս-
տատեաց զաշխարհս ի հաւատս անասանելի,
փառք նմա այժմ և յաւիտեան: Որ կամաւ համ-
բեր մահու խաչի Աստուած բանն և եհեղ զարիւն
իւր սուրբ ի փրկութիւն տիեզերաց, փառք նմա:
Աստուածապէս յարուցեալ ի նորափոր ի վիմէն
լուսադարեաց զեկեղեցի իւր սուրբ ի փառս և
ի գովեստս անուան իւրոյ, փառք նմա:

Բկ. Օրհնութիւն ի բարձունս անօրինեցելոյն
ի կուսէն թագաւորին մերոյ Ալէլուիա, ալէլու-
իա: Օրհնութիւն ի բարձունս անասանելի և
հաստատուն յուսոյն մերոյ Ալէ. : Օրհնութիւն ի
բարձունս անբաժանելի և միասնական սուրբ Եր-
րորդութեանն Ալէ. :

Գձ. Ձթագաւորն Քրիստոս օրհնութեամբ եր-
գով բարբառնեցէք, ամենայն երկիր: Արարողին
երկնի և երկրի մատուցուք երգով գոհաբանու-
թիւն ամենայն երկիր: Երրորդութեանն և մի
Աստուածութեանն մատուցուք պատիւ, երկր-
պագութիւն յաւիտեանս ամէն:

Գկ. Լուսով աստուածութեան քո Քրիստոս,
լուսաւորեցեր սուրբ զեկեղեցի, պահեա զսա ան-
չարժ յաւիտեան: Տօն է այսօր յԵրուսաղէմ հա-
ւատացելոց բազմութեամբ զնաւակատիս սուրբ
եկեղեցւոյ, պահեա զսա: Բացան դրունքը հա-

ւատոյ նոր Սիովնի ընդունիլ զանմահ փեսայն յառազատ, բաշխէ զմարմինն քո և զարիւն, պահեալ զսա :

Դձ. Թագաւոր Քրիստոս էակից Հօր և Հոգւոյն, որ վասն մեր մարմնացար ի սուրբ Կուսէն, Թագաւոր փառաց Քրիստոս քեզ փառք : Որ կամաւոր մահուամբ զմահ մեռուցեր, և անապական յարութեամբք քո նորոգեցեր զաշխարհ, Թագաւոր փառք : Որ կենդանարար արեամբք քո լուսաւորեցեր սուրբ զեկեղեցի, երգեմք քեզ ընդ հրեշտակս ասելով, Թագաւոր փառք :

Դկ. Որ անբաւելի յաղթող զօրութեամբ Թագաւոր ես երկնի և երկրի Քրիստոս Աստուած, օրհնարանեմք զքեզ : Որ փառակցութեամբ ընդ Հօր վերօրհնիս յանմահից և խոնարհեալ մարմին զգեցար փառաց Թագաւոր, օրհնաբառ : Որ կարողապէս զմահ կոխեցեր և յարուցեալ լուսաւորեցեր սուրբ զեկեղեցի անմահ էութիւն, օրհնաբառ :

Սրկ. Օրհնե աՏէր :

Քհնյ. Ձի քո է կարողութիւն և զօրութիւն :

Սրկ. Պոսխումէ :

Դպ. Սուրբ Աստուած, սուրբ և հօր, սուրբ և անմահ, որ յարեար ի մեռելոց, ողորմեա մեզ : (Երիցս կրկնեա) :

Սրկ. Եւ եւս խաղաղութեան զՏէր աղաչ :

Դպ. Տէր ողորմեա' :

Սրկ. Վասն խաղաղութեան ամենայն աշխարհի և հաստատութեան սրբոյ եկեղեցւոյ զՏէր աղաչեսցուք :

Դպ. Տէր ողորմեա' :

Սրկ. Վասն հայրապետին մերոյ տեառն (այս

անուն) կենաց և փրկութեան հոգւոյ նորին, զՏէր աղաչ :

Դպ. Տէր ողորմեա' :

Սրկ. Վասն վարդապետաց, քահանայից, սարկաւազաց, դպրաց և ամենայն ուխտի մանկանց եկեղեցւոյ, զՏէր աղաչեսցուք :

Դպ. Տէր ողորմեա' :

Սրկ. Վասն բարեպաշտ Թագաւորաց և աստուածասէր իշխանաց, զօրավարաց և զօրաց նոցին զՏէր աղաչեսցուք :

Դպ. Տէր ողորմեա' :

Սրկ. Վասն հոգւոցն հանգուցելոց որք :

Դպ. Յիշեա' Տէր և ողորմեա' :

Սրկ. Եւ եւս միաբան վասն ճշմարիտ :

Դպ. Տէր ողորմեա' :

Սրկ. Չանձինս մեր և զմիմեանս :

Դպ. Քեզ Տեառնդ, յանձն եղիցուք :

Սրկ. Ողորմեաց մեզ Տէր Աստուած մեր :

Դպ. Տէր ողորմեա', Տէր ողորմեա', Տէր ող :

Սրկ. Օրհնե աՏէր :

Քհնյ. Ձի ողորմած և մարդասէր ես :

Գիրքն և Աւետարանն կը կարդացուի

ԱԼԷԼՈՒԻԱՅՔ ՃԱՇՈՒ ՅԱՐՈՒԹԵԱՆ

Աձ. Դու յարուցեալ գթասցիս ի վերայ Սիօնի, Ժամանակ զթալոյ նորա հասեալ է Ժամ :

Ակ. Օրհնեցէք զՏէր յօրհնութիւն ի նոր, օրհնութիւն նմա յեկեղեցիս սրբոց :

Բձ. Ծափս հարէք ամենայն հեթանոսք, աղաղակեցէք առ Աստուած ի ձայն ցնծութեան :

Բկ. Արի, Տէր Աստուած իմ ի հրամանս քո զոր պատուիրեցեր և ժողովք ժողովրդոց շուրջ եղիցին զքեւ :

Գձ. Ուրախ եղեւ Իսրայէլ յարարիչ իւր, որ դիք Սիօնի ցնծասցեն ի թագաւորն իւրեանց :

Գկ. Եկայք և տեսէք զգործս Աստուծոյ . որ պէս զի անդ են խորհրդով քան զամենայն որդիս մարդկան :

Դձ. Հաճեցար Տէր ընդ երկիր քո և դարձուցեր զգերութիւն Յակոբայ :

Դկ. Յարեաւ Աստուած և ցրուեցան ամենայն թշնամիք նորա, փախեան ատելիք նորա յերեսաց նորա :

Դպ. Փառք քեզ Տէր Աստուած մեր :

Սրկ. Հաւատամքն . . .

Սրկ. Օրհնե աՏէր :

Քհնյ. Իսկ մեք փառաւորեսցուք :

Սրկ. Եւ եւս խաղաղութեան զՏէր աղաչես . :

Դպ. Ամէն, Տէր ողորմեա :

Սրկ. Եւ եւս հաւատով աղաչեսցուք և խնդրեսցուք ի Տեառնէ Աստուծոյ և ի փրկչէն մերմէ Յիսուսէ Քրիստոսէ ի ժամուս պաշտաման և աղօթից :

Դպ. Կեցո Տէր :

Սրկ. Չթամ սուրբ պատարագիս և զառաջիկայ օրս խաղաղութեամբ անցուցանել :

Դպ. Ծնորհեա՛ Տէր :

Սրկ. Չհրեշտակ խաղաղութեան պահ . :

Դպ. Ծնորհեա՛ Տէր :

Սրկ. Չքաւութիւն և զթողութիւն :

Դպ. Ծնորհեա՛ Տէր :

Սրկ. Չսրբոյ խաչին մեծ և կարող զօրութ . :

Դպ. Ծնորհեա՛ Տէր :

Սրկ. Եւ եւս միաբան վասն ճշմարիտ :

Դպ. Տէր ողորմեա՛ :

Սրկ. Չանձինս մեր և զմիմեանս :

Դպ. Քեզ Տեառնդ յանձն եղիցուք :

Սրկ. Ողորմեա՛ց մեզ, Տէր Աստուած մեր :

Դպ. Տէր ողորմեա՛, Տէր ողորմեա՛, Տէր ող . :

Սրկ. Օրհնե աՏէր :

Քհնյ. Որպէս զի արժա . : Խաղաղութիւն ամենեցուն :

Դպ. Եւ ընդ հոգւոյդ քում :

Սրկ. Աստուծոյ երկիրպագեսցուք :

Դպ. Առաջի քո Տէր :

Քհնյ. Խաղաղութեամբ քով Քրիստոս :

Սրկ. Օրհնե աՏէր :

Քհնյ. Տէր Աստուած օրհնեսցէ զամեն . :

Դպ. Ամէն :

Սրկ. Մի՛ ոք յերեխայից, մի՛ ոք ի թերահաւատից և մի՛ ոք յապաշխարողաց և յանմաքրից մերձեսցի յաստուածային խորհուրդս :

Դպ. Մարմին տէրունական և արիւն փրկչական կան առաջի երկնային զօրութիւնքն աներելոյթք, երգեն և ասեն անհանգիստ բարբառով, սուրբ, սուրբ, սուր Տէր զօրութեանց :

Սրկ. Սաղմոս ասացէք Տեառն Աստուծոյ մերում, դպիրք, ճայնիւ քաղցրութեամբ դերգս հոգեւորս :

(Եւ դպիրքն երգեւ զսրբասացութիւն ըստ
պատշաճի աւուրն)

Ծննդեան, Աւետեաց, Վարդավառի և
Աստուածածնայ

Բազմութիւնք հրեշտակաց և զօրաց երկնաւորաց
իջեալ ի յերկնից ընդ միածին թագաւորին :
Որք երգէին և ասէին, սա է Որդին Աստուծոյ, ա-
մենեքեան ասացուք. ուրախ լըրուք երկինք և
ցնձացեն հիմունք աշխարհի : Զի Աստուածն
յաւիտենական ի յերկրի երեւեցաւ և ընդ մարդ-
կան շրջեցաւ, զի կեցուցէ զանձինս մեր :

Մեծի Հիւզարթի

Զերգս հոգեւորս : Որ վերանստիս ի կառս հը-
րանիւթս քառակերպեանս անճառելի բանդ Աստ-
ւած : Այսօր իջեալ ի յերկնայնոցն վասն քո արա-
րածոցս, յանձն առեր բազմիլ ընդ աշակերտսն :
Եւ սերովբէքն և քերովբէքն վերին զօրացն սքան-
չացեալ աղաղակէին ասելով. սուրբ, սուրբ,
սուրբ Տէր զօրութեանց :

Յիւսանց եւ Խաչի

Ո՞վ է, որպէս Տէր Աստուած մեր խաչեցաւ
վասն մեր, թաղեցաւ և յարեաւ, հաւատարիմ ե-
ղեւ յաշխարհի և համբարձաւ փառօք : Եկայք ժո-
ղովուրդք, զօրհնութիւնս ընդ հրեշտակս երգես-
ցուք նմա ասելով. սուրբ, սուրբ, սուրբ եւ Տէր
Աստուած մեր :

Կիւրակի եկեղեցւոյ և Ծաղկազարդի

Հրեշտակային կարգաւորութեամբ լցեր Աս-
տուած զքո սուրբ զԵկեղեցի : Հազարք հազարաց

հրեշտակապետք կան առաջի քո և բիւրք բիւրուց
պաշտեն զքեզ Տէր, և ի մարդկանէ հաճեցար ըն-
դունիլ զօրհնութիւն ձայնիւ խորհրդականաւ.
սուրբ, սուրբ, սուրբ Տէր զօրութեանց :

Պահոց և Ննջեցելոց

Վասն յիշատակի հանգուցելոցն, ընկալ հայր
սուրբ մարդասէր զպատարագս : Եւ համարեա ըզ-
հոգիս նոցա ի թիւ սրբոց քոց յարքայութեան եր-
կնից : Մանաւանդ զի հաւատով մատուցուք ըզ-
պատարագս, հաշտեսցի Աստուածութիւնդ և
հանգուցէ զհոգիս նոցա :

Մարտիրոսաց

Սրբութիւն սրբոց, մեծ և ասաւոր և զինուո-
րութիւնք հրեշտակացն օրհնեն զքեզ և ասեն.
փառք ի բարձունս Աստուծոյ և յերկիր խաղա-
ղութիւն :

Մարգարեից, Առաքելոց և Հայրապետաց

Ամենակալ եւ Տէր զօրութեանց, որ թագա-
ւորդ եւ յաւիտենից : Որ նստիս յերկնից ի յեր-
կինս և լոյս ծագես յարարածս քո : Որ խոնար-
հութեամբ իջեր ի յերկիր, քեզ պատարագս մա-
տուցանեմք և սուրբ զանունդ քո փառաւորեմք
Տէր, որ պսակիչդ եւ քոց սրբոց (այս անուն),
վասն զի սոքա են մեզ բարեխօս, Տէր ամենակալ,
ի քում յարքայութեանդ :

Սրկ. Համբարձէք իշխանք զգրուս ձեր իվեր,
համբարձին դրունք յաւիտենից, և մտցէ թագա-
ւոր փառաց :

Քհնյ. Ո՞վ է սա թագաւոր փառաց, տէր հզօր

զօրութեամբ իւրով, տէր կարող ի պատերազմի:

Սրկ. Համբարձէք իշխանք զդրունս ձեր ի վեր,
համբարձին դրունք յաւիտենից և մտցէ թագաւոր
փառաց:

Քհնյ. Ո՞վ է սա թագաւոր փառա ցաէր զօրութեանց:

Սրկ. Սա ինքն է թագաւոր փառաց:

Քհնյ. Օրհնեալ եկեալ անուամբ Տեառն:

Սրկ. Եւ եւս խաղաղութեան զՏէր աղաչ.:

Դպ. Տէր ողորմեա՛:

Սրկ. Եւ եւս հաւատով և սրբութեամբ կացցուք
յաղօթս առաջի սրբոյ սեղանոյս Աստուծոյ
ա՛հիւ: Մի՛ խղճիւ և գայթակղութեամբ, մի՛ նենգութեամբ,
խորամանկութեամբ, մի՛ պարանօք և խաբէութեամբ:
Մի՛ երկմտութեամբ և թերահաւատութեամբ.
այլ ուղիղ վարուք պարզ մտօք,
միամիտ սրտիւ, կատարեալ հաւատով:
լցեալ սիրով, լի և առաւելեալ ամենայն գործովք
բարութեան: Կացցուք յաղօթս առաջի սրբոյ սեղանոյս
Աստուծոյ. և գտցուք զողորմութեան զչնորհս:
Յաւուր յայտնութեան և ի միւսանգամ
գալստեան՝ Տեառն մերոյ և փրկչին Յիսուսի
Քրիստոսի, կեցուցէ և ողորմեսցի:

Դպ. Կեցո՛ Տէր, և ողորմեա:

Սրկ. Օրհնեա՛ Տէր:

Քհնյ. Ծնորհօք և մարդ. : Խաղաղութիւն:

Դպ. Եւ ընդ հոգւոյք քում՝

Սրկ. Աստուծոյ երկրպագեսցուք:

Դպ. Առաջն՝ քո տէր:

Սրկ. Ողջոյն տուք միմեանց ի համբոյր սրբութեան
և որք ոչ էք կարողք հաղորդել աստուածային
խորհրդոյս, առ դրունս ելէք և աղօթեցէք:

Դպ. Քրիստոս ի մէջ մեր յայտնեցաւ, որ էնն
Աստուած աստ բազմեցաւ:

Խաղաղութեան ձայն հնչեցաւ, սուրբ ողջունի
հրաման տուաւ:

Եկեղեցիս մի անձ եղեւ համբոյրս քո լրման
տուաւ:

Թշնամութիւնն հեռացաւ, սէրն յընդհանուրս
սփռեցաւ:

Արդ՝ պաշտօնեայք, բարձրեալ զձայն տուք
օրհնութիւն ի մի բերան, միասնական Աստուածութեանն,
որում Սրովբէքն են սրբաբան:

Ոմակի և գալստեան ի հանդիսի տօնի

Սրկ. Որք հաւատով կայք յանդիման, սուրբ
Սեղանոյս արքայական, տեսէք բազմեալ զՔրիստոս
արքայն և շուրջ պատեալ զօրք վերնական:

Դպ. Վեր համբառնամք զաչս ունելով, և պա-
գատիմք զաչս ասելով, զմեղս մեր մի՛ յիշեսցես,
այլ զթութեամբ քո քաւեսցես, ընդ հրեշտակաց
օրհնեն զքեզ և ընդ սրբոց քոց լեր փառք քեզ:

Սրկ. Ահիւ կացցուք, երկիւղիւ կացցուք,
բարուք կացցուք, և նայեցարուք զգուշութեամբ:

Դպ. Առ քեզ, Աստուած:

Սրկ. Պատարագ Քրիստոս մատչի անարատ
գառն Աստուծոյ:

Դպ. Ողորմութիւն և խաղաղութիւն և պատա-
բազ օրհնութեան:

Սրկ. Օրհնեա՛ Տէր:

Քհնյ. Ծնորհք, սէր և աստուածային սրբ:

Դպ. Ամէն, և ընդ հոգւոյք քում՝

Սրկ. Չղբունս, զղբունս, ամենայն իմաստու-
թեամբ և զգուշութեամբ: Ի վեր ընծայեսցուցէք
զմիտս ձեր աստուածային երկիւղիւ:

Դպ. Ունիմք առ քեզ, Տէր ամենակալ:

Սրկ. Եւ գոհացարուք զՏեառնէ բոլորով սրբ-
տիւ:

Դպ. Արժան և իրաւ:

Սրկ. Օրհնեա՛ Տէր:

Քհնյ. Եւ ընդ Սերովբէսն և ընդ Քերովբ:

(Իսկ ի հակոթիսի առաջս, զկնի Արժան
եւ Իրաւիկ գայս ասեն:)

Սրկ. Եւ զստոյգ փրկութեան՝ որ միշտ ընդ
ամենայն տեղիս, գոհութիւն մատուցանեմք քեզ,
Քրիստոս:

Դպ. Որով և զհրաշալի յարութիւնդ քո գովեն
զօրութիւնք:

Սրկ. Սարսին սերովբէքն:

Դպ. Դողան քերովբէքն:

Սրկ. Եւ իշխանութիւնք վերին պետութեանցն
պար առեալ քաղցր ձայնիւ եղանակեն և ասեն.

Դպ. Սուրբ, սուրբ, սուրբ, Տէր զօրութեանց:
Լի են երկինք և երկիր փառօք քո. օրհնութիւն ի
բարձունս. օրհնեալ, որ եկիր և գալոցդ ես ան-
ւամբ Տեառն, ովսաննա ի բարձունս:

Սրկ. Օրհնեա՛ Տէր:

Քհնյ. Առէ՛ք, կերէ՛ք, այս է մարմին իմ:

Դպ. Ամէն:

Սրկ. Օրհնեա՛ Տէր:

Քհնյ. Արբէ՛ք ի սմանէ ամենեքեան:

Դպ. Ամէն: Հայր երկնաւոր, որ զՈրդիդ քո
ետուր ի մահ վասն մեր, պարտապան պարտեաց
մերոց, հեղմամբ արեան Նորա աղաչեմք զքեզ,
ողորմեա՛ քո բանաւոր հօտի:

Սրկ. Օրհնեա՛ Տէր:

Քհնյ. Եւ զքոյս ի քոյոց քեզ մատուցանեմ:

Դպ. Յամենայնի օրհնեալ ես, Տէր: Օրհնեմք
զՔեզ, գովեմք զՔեզ, գոհանամք զՔէն, աղաչեմք
զՔեզ, Տէր Աստուած մեր:

Սրկ. Օրհնեա՛, Տէր:

Քհնյ. Խաղաղութիւն ամենեցուն:

Դպ. Եւ ընդ հոգւոյդ քում:

Սրկ. Աստուծոյ երկրպագեսցուք:

Դպ. Առաջի քո, Տէր: Որդի Աստուծոյ, որ
պատարագեալ Հօր ի հաշտութիւն, հաց կենաց,
բաշխիս ի մեզ. հեղմամբ արեան քո սուրբ աղա-
չեմք զՔեզ, ողորմեա՛ առեամք քով փրկեալ
հօտի:

Սրկ. Օրհնեա՛ Տէր:

Քհնյ. Որպէս զի եղիցի սա ամենեցուն:

Դպ. Հոգի Աստուծոյ, որ զփառակցի Քո
զխորհուրդ, իջեալ ի յերկնից, կատարես ի ձեռս
մեր. հեղմամբ արեան սորա, աղաչեմք զՔեզ,
հանգո զհոգիս մեր ննջեցելոցն:

Սրկ. Օրհնեա՛ Տէր:

Քհնյ. Ընդ որս և մեզ այց արասցես:

Դպ. Յիշեա, տէր և ողորմեա:

Քհնյ. Աստուածածնին սրբոյ կուսին:

Դպ. Յիշեա, տէր և ողորմեա:

Սրկ. Առաքելոց սրբոց, մարգարէից, վարդա-
պետաց, մարտիրոսաց և ամենայն հայրապետաց
սրբոց: Առաքելագործ եպիսկոպոսաց, երի-
ցանց, ուղղափառ սարկաւազաց, և ամենայն
սրբոց: Եղիցի յիշատակ ի սուրբ պատարագս
աղաչեմք:

Դպ. Յիշեա, տէր և ողորմեա:

Սրկ. Օրհնեալ, գովեալ և փառաւորեալ հրա-
շալի և աստուածազարդ յարութեանն (կամ տէ-

բութեանն) Գրիստոսի երկիրպագանեմք:

Դպ. Փառք յարութեան (կամ տէրութեան) քո, Տէր:

Սրկ. Առաջնորդացն մերոց և առաջին լուսաւորչացն՝ սրբոյ Թագէտսի և Բարթուղիմէոսի առաքելոցն. և Գրիգորի Լուսաւորչին, Արիստակիսի, Վրթանէսի, Յուսկանն, Գրիգորիսի, Ներսեսի, Սահակայ, Դանիէլի և Սաղայ, Մեսրոպայ վարդապետին, և Գրիգորի Նարեկացւոյն, և Ներսեսի Կլայեցւոյն, Յովհաննու Որոտնեցւոյն, և Գրիգորի և Մովսէսի Տաթեւացեացն, և սրբոց Գրիգորիսեանց և Ներսիսեանց, հովուաց և հովւապետացն եւայլն:

Դպ. Յիշեա, տէր և ողորմեա:

Սրկ. Միանձնացելոց սրբոց, առաքինասէր և աստուածուսոյց կրօնաւորացն, Պօղոսի, Անտօնի, Պօղայ, Մակարայ, Ոսոփրիոսի, Աբբայ, Մարկոսի, Սրապիոնի, Նեղոսի, Աբսէնի, Եւագրի, Պարսամայ, Յովհաննիսեանց և Սիմէոնեանց, սրբոց Ոսկեանց և Սուքիասեանց և ամենայն սրբոց հարց և աշակերտելոց նոցին ընդ տիեզերս եղիցի յիշատակ ի սուրբ պատարագս աղաչեմք:

Դպ. Յիշեա, տէր, և ողորմեա:

Սրկ. Ընդհանուր ամենայն հաւատացելոց, աբրանց և կանանց, ծերոց և տղայոց և ամենայն չափու հասակի հաւատով և սրբութեամբ ի Քրիստոս ննջեցելոց, եղիցի յիշատակ ի սուրբ պատարագս աղաչեմք:

Դպ. Յիշեա, տէր և ողորմեա:

Սրկ. Օրհնեա՛ Տէր:

Քհնյ. Եւ եւս առաւել զեպիսկոպո:

Սրկ. Գոհութիւն և փառախանութիւն մատու-

ցանեմք զեղ տէր Աստուած մեր, վասն սուրբ և անմահ պատարագիս որ ի վերայ սրբոյ սեղանոյս, զի սա մեզ ի սրբութիւն կենդանութեան պարգեւեցցէ: Սովաւ շնորհեա, զսէր զհաստատութիւն և զղձալի զխաղաղութիւն ամենայն աշխարհի. սրբոյ եկեղեցւոյ և ամենայն ուղղափառ եպիսկոպոսաց և եպիսկոպոսապետին մերոյ և պատուական հայրապետին ամենայն հայոց տեառն (այս ակօռն), և սրբոյ Երուսաղիմայ պատրիարք տեառն (այս ակօռն), և Կոստանդնուպոլսոյ պատրիարք, տեառն (այս ակօռն), և քահանայիս որ զպատարագս մատուցանէ, և վասն զօրութեանց և յաղթութեանց թագաւորացն քրիստոնէից և իշխանացն բարեպաշտից: Աղաչեսցուք և խնդրեսցուք և վասն հոգւոցն հանգուցելոց: Եւս առաւել վասն հանգուցեալ բաբունապետացն մերոց և շինողաց սուրբ եկեղեցւոյս, որք ընդ հովանեաւ սորին են հանգուցեալ: || Ազատութիւն եղբարց մերոց գերելոց և շնորհ յառաջիկայ Ժողովրդեանս, հանգիստ հաւատով և սրբութեամբ ի Քրիստոս կատարելոց, եղեցի յիշատակ ի սուրբ պատարագս աղաչեմք:

Դպ. Ըստ ամենայնի, և յաղագս ամենեցուն:

Սրկ. Օրհնեա՛ Տէր:

Քհնյ. Եւ եղիցի ողորմութիւն մեծիս Աստուծոյ և փրկչին:

Դպ. Ամէն եւ ընդ հոգւոյդ քում:

Սրկ. Ամէն, և եւս խաղաղութեան զՏէր աղաչ:

Դպ. Տէր ողորմեա՛:

Սրկ. Ամենայն սրբովք զորս յիշատակեցաք ևս առաւելապէս զտէր աղաչեսցուք:

Դպ. Տէր, ողորմեա՛:

Սրկ. Վասն մատուցեալ սուրբ և աստուածա-
յին անմահ պատարագիս որ ի վերայ սրբոյ սե-
ղանոյս, զտէր աղաչեսցուք:

Դպ. Տէր, ողորմեա:

Սրկ. Որպէս զի տէր Աստուած մեր, որ ընկա-
լաւ զսա ի սուրբ երկնային և յիմանալի իւր մա-
տուցարան, զփոխանակն առաքեսցէ առ մեզ զչը-
նորհս և զպարգեւս Հոգւոյն սրբոյ զտէր աղաչես:

Դպ. Տէր, ողորմեա:

Սրկ. Ընկալ, կեցոյս ողորմեա. և պահեա զմեզ
տէր քոյին շնորհիւ:

Դպ. Կեցո՛ տէր և ողորմեա:

Սրկ. Զամենասրբուհի զԱստուածածինն ըզ-
միշտ կոյսն Մարիամ, հանդերձ ամենայն սրբովք
յեշելով զտէր աղաչեսցուք:

Դպ. Յիշեա՛, Տէր և ողորմեա:

Սրկ. Եւ եւս միաբան վասն ճշմարիտ:

Դպ. Տէր ողորմեա՛:

Սրկ. Զանձինս մեր և զմիմեանս:

Դպ. Քեզ, Տեառնդ յանձն եղիցուք:

Սրկ. Ողորմեաց մեզ, Տէր Աստուած մեր:

Դպ. Տէր, ողորմեա՛, Տէր ողորմեա՛, Տէր ո. . .

Սրկ. Օրհնեա՛, Տէր:

Քհնյ. Եւ սուր մեզ, և այլն:

Դպ. Հայր մեր որ յերկինս, սուրբ եղիցի ա-
նուն քո, եկեսցէ արքայութիւն քո, եղիցին կամք
քո, որպէս յերկինս և յերկրի, զհաց մեր հանա-
պազորդ սուր մեզ այսօր, թող մեզ զպարտիս
մեր, որպէս և մեք թողումք մերոց պարտապա-
նաց, և մի՛ տանիր զմեզ ի փորձութիւն, այլ
փրկեա ի չարէ:

Սրկ. Օրհնեա՛ Տէր:

Քհնյ. Զի քո է արքայութիւն: Խաղաղութ.:

Դպ. Եւ ընդ հոգւոյդ քում:

Սրկ. Աստուծոյ երկիրպագեսցուք:

Դպ. Առաջի քո տէր:

Սրկ. Օրհնեա՛, Տէր:

Քհնյ. Քրիստոսիւ Յիսուսիւ Տէրամբ:

Սրկ. Պոսիսումէ:

Քհնյ. Ի Սրբութիւն սրբոց:

Դպ. Միայն սուրբ, միայն Տէր, Յիսուս Քրիս-
տոս ի փառս Աստուծոյ Հօր. ամէն:

Սրկ. Օրհնեա՛, Տէր:

Քհնյ. Օրհնեալ, Հայր սուրբ Աստուած ճշ-
մարիտ:

Դպ. Ամէն:

Սրկ. Օրհնեա՛, Տէր:

Քհնյ. Օրհնեալ, Որդիդ սուրբ Աստուած ճշ-
մարիտ:

Դպ. Ամէն:

Քհնյ. Օրհնեալ հոգիդ սուրբ Աստուած ճշ-
մարիտ:

Դպ. Ամէն:

Սրկ. Օրհնեա՛, Տէր:

Քհնյ. Օրհնութիւն և փառք Հօր և Որդւոյ և
հոգւոյն Սրբոյ:

Դպ. Ամէն: Հայր սուրբ, Որդիդ սուրբ, Հո-
գիդ սուրբ: Օրհնութիւն Հօր և Որդւոյ և Սրբոյ
Հոգւոյն, այժմ և միշտ և յաւիտեանս յաւիտե-
նից. Ամէն:

Սրկ. Օրհնեա՛, Տէր:

Քհնյ. Ի սուրբ, ի սուրբ պատուական մար.:

Դպ. Տէր ողորմեա: (Չորիցս կրկնեա):

Սրկ. Տէր ողորմեա: (Չորիցս կրկնեա):

Դպ. Ամենասուրբ Երրորդութիւն, տուր աշխարհիս խաղաղութիւն:

Սրկ. Եւ հիւանդաց բժշկութիւն, ազգիս Հայոց ազատութիւն:

Դպ. Տէր ողորմեա, Տէր, ողորմեա, Յիսուս փրկիչ մեզ ողորմեա:

Սրկ. Մուրբ, և անմահ Պատարագիս Միջնորդութեամբ:

Դպ. Ընկալ, Տէր, և ողորմեա:

Սրկ. Սաղմոս ասացէք Տեառն Աստուծոյ մերում, դպիրք, ձայնիւ քաղցրութեամբ զերգս հոգեւորս: Զի սմա վայելեն սաղմոսք և օրհնութիւնք, ալէլուք և երգք հոգեւորք: Պաշտօնեայք, հանդերձ երգովք սաղմոս ասացէք և զՏէր յերկինս օրհնեցէք:

Դպ. Օրհնեալ է Աստուած. Քրիստոս պատարագեալ բաշխի ի միջի մերում. ալէլուիա:

Զմարմին իւր տայ մեզ կերակուր և սուրբ զարիւն իւր ցօղէ ի մեզ, Ալէլուիա:

Մատիք առ Տէր և առէք զլոյս, ալէլուիա:

Ճաշակեցէք և տեսէք զի քաղցր է տէր, ալէլուիա:

Օրհնեցէք զտէր ի յերկինս, ալէլուիա:

Օրհնեցէք զնա ի բարձունս, ալէլուիա:

Օրհնեցէք զնա ամենայն հրեշտակք նորա, ալէլուիա:

Օրհնեցէք զնա, ամենայն զօրութիւնք նորա, ալէլուիա:

Սրկ. Երկիւղիւ և հաւատով յառաջ մատիք և սրբութեամբ հաղորդեցարուք:

Դպ. Աստուած մեր և տէր մեր, երեւեցաւ մեզ, օրհնեալ եկեալ անուամբ Տեառն:

Քհնյ. Կեցո, Տէր, զժողովուրդս քո, և օրհնեա

զժառանգութիւնս:

Դպ. Լցաք ի բարութեանց քոց, Տէր, ճաշակելով զմարմին քո և զարիւն, փառք ի բարձունս կերակրողիդ զմեզ: Որ և հանապաղ կերակրես զմեզ, առաքեա ի մեզ զհոգեւոր քո զօրհնութիւն, փառք ի բարձունս կերակրողիդ զմեզ:

Սրկ. Ամէն, և եւս խաղաղութեան զՏէր աղա.:

Դպ. Տէր ողորմեա:

Սրկ. Եւ եւս հաւատով ընկալեալք յաստուածային սուրբ երկնային անմահ անարատ և անպակահ խորհրդոյս զՏեառնէ զոհացարուք:

Դպ. Գոհանամք զքէն, Տէր, որ կերակրեցեր զմեզ յանմահական սեղանոյ քոյ. բաշխելով զմարմինդ և զարիւնդ ի փրկութիւն աշխարհի, և կեանք անձանց մերոց:

Սրկ. Օրհնեալ, Տէր:

Քհնյ. Որ օրհնես զայնոսիկ, ոյք օրհնեն զքեզ, Տէր, և սուրբ առնես զյուսացեալս ի քեզ:

Դպ. Օրհնեալ է Աստուած:

Քհնյ. Կեցո, զժողովուրդս քո:

Դպ. Ամէն:

Քհնյ. Սրբեա զնոսա ոյք ողջունեցին:

Դպ. Ամէն:

Քհնյ. Զխաղաղութիւն պարգեւեա:

Դպ. Ամէն:

Քհնյ. Զի ամենայն տուրք բարիք և:

Դպ. Եղիցի անուն Տեառն օրհնեալ յայսմհետև մինչև յաւիտեան: (Երիցս կրկնեա):

Քհնյ. Կատարումն օրինաց և մարդարկից:

Սրկ. Օրթի:

(Աւետարան՝ ի սկզբանէ եր Բանն)

Սրկ. Փառք քեզ, Տէր Աստուած մեր. Սուրբ
խաչիւս աղաչես:

Քհնչ. Պահպանիչ և յոյս հաւատացելոց:

Սրկ. Օրհնեցից զՏէր յամենայն ժամ:

Քհնչ. Օրհնեալք եղերուք ի շնորհաց սուրբ
Հոգւոյն, երթայք խաղաղութեամբ. և Տէր եղիցի



ԿԱՆՈՆ ԽՂԱՅԱՆԳՄՏԻ

Զօրութիւն սուրբ խաչի քո Քրիստոս, որ
կանգնեցեր ի փրկութիւն աշխարհի, սա պահես-
ցէ զմեզ յամենայն փորձութենէ:

Քանզի ի սմա բարձրացար Աստուած, և ի սմա
հեղեր զպատուական սուրբ զարիւնդ, սա պահես-
ցէ զմեզ:

Եւ զքո միւսանգամ զգալուստդ նշանաւ խաչի
քո ցուցեր աշխարհի, սա պահեսցէ:

Աստուած մարդասէր, որ զմաքսաւորն արդա-
րացուցեր. քաւեա զիս զմեղաւորս:

Որ քղանցիւ հանդերձի քո զմերձեցեալն ի քեզ
բժշկեցեր. քաւեա:

Որ զանազան վիրօք մեղաց հարաք հոգիս ի
թշնամւոյն. և ի բազմապատիկ հիւանդութիւնս
կարօտացաք մարդասիրիդ բառնալոյ զցաւս մեր.
Վասն որոյ բժշկեա զմեզ Քրիստոս, որպէս մար-
դասէր:

Որ եկիր ի փրկութիւն մարդկան ծննդեամբ
կուսին Մարիամու. և կենդանարար քո յարու-
թեամբդ. հրաւիրեցեր զմահացեալքս ի յարու-
թիւն անմահութեան, վասն որոյ աղաչանօք մօր
քո կեցո զմեզ Փրկիչ:

Փառք Հօր և որդւոյ և Հոգւոյն սրբոյ:

Առ քեզ ապաւինիմք, Ամենասրբունհի. գերա-
գոյն և հրաշալի և բաշխող բարութեանց. աղբիւր
ես ծարաւեաց և հանգիստ աշխատելոց. և եղեր
վերընկալ աստուածային բանին:

Այժմ և միշտ և յաւիտեանս:

Քհնչ. Սրբեա', տէր, զմեղուցեալ քոց ծառա-

յից զղայարանս, և շնորհեա՛ տեսանել զքեզ, և լսել զայրական զճայն, և թէ՛ դա է բըզի իմ սիրելի:

Դպ. Ամէն ալելուիա, ալելուիա, ալելուիա:

Քհնյ. Օրհնեսցի և սրբրեսցի Չուրս այս նշանաւ: (Երիցս կրկնեա):

Դպ. Ամէն:

Քհնյ. Օրհնութիւն և փառք:

Դպ. Տաճար են սուրբ հոգւոյն, կենդանի ոսկերք սոցա հիւանդաց բժիշկ, աղաչեսցուք զտէր սոքօք խնայեա ի մեզ:

Սորա են գեղ կենաց, պարզեւեա: Ժեզ ի Քրիստոսէ ի բժշկութիւն, պատուական սուրբ արեամբն իւրեանց:

Սա է կարապետ յաւուր գալստեան փրկչին, և պսակ պարծանաց հաւատացելոց և սովաւ յաղթեսցուք յանօրէն թշնամւոյն:

Սրկ. Վասն հիւանդաց:

Քհնյ. Փարատեա:

Սրկ. Սուրբ խաչիւս ազա.:

Քհնյ. Պահպանիչ:

Սրկ. Օրհնեսցից:

ԵՐԳ ԿԻՐԱՎԱՄՏԻՑ

Ալելուիա, ալելուիա: Լոյս զուարթ սուրբ փառաց անմահի, շօրն երկնաւորի սրբոյ կենարարի Յիսուս Քրիստոս: Եկեալքս ի մտանել արեգականն. տեսաք զլոյս երեկոյիս: Օրհնեմք զՀայր և զՈրդի և զսուրբ Հոգիղ Աստուծոյ: Եւ ամենեքեան ասեմք. ամէն:

Արժանաւորեա զմեզ յամենայն ժամ, օրհնել ճայնիւ երգով զանուն փառաց ամենասուրբ Երրորդութեանն: Որ տայ զկենդանութիւն վասն սրոյ և աշխարհս զքեզ փառաւորէ:

ՇԱՐԱԿԱՆ ԿԻՐԱՎԱՄՏԻ

Աձ. Սուրբ ես Տէր զօրութեանց, որ բնակեալք ես ի յերկինս, և բարեբանիս ի սրբոց քոց: Երկնային զօրութիւնք սերովբէք և քերովբէք, անգազար օրհնեն սուրբ զանունդ քո: Քահանայք ընդ նոսին պաշտօնեայք և ժողովուրդք երկրպագեսցուք տէրութեանդ քո: Լոյսղ որ յատաջ քան յաւիտեանս ի շօրէ ատաքեցար, և լուսով իմանալեալ լցեր զարարածս. օրհնեալ ես, թաղաւոր յաւիտենից: Որ զլոյսն ի սկզբանէ հաստատեցեր վերստին և զխաւարն անգիտութեան յարութեամբդ քո հալածեցեր, Օրհնեալ: Ուստի և մեք լուսաւորեալքս ընդ լուսեղէն զուարթնոցն, երգեսցուք ցնծութեամբ ի յարութեան երեկոյիս, օրհնեալ ես թաղաւոր յաւիտենից: Երկնաքաղաքային Յովհանէս մեծ ի ծնունդս կանանց, քարոզէք յանապատի ազդարարող բարբառովն զժողովմն լուսոյ արեգականն արդարութեանն: Ճըլմարիս մարգարէ և ձեռնադրող Որդւոյն Աստուծոյ, յատաջն թաց կարապետ և պատմող սաստաճային օրինացն, հարթէք ճանապարհս թաղաւորին յաւիտենից: Յանօրէն զինարբուսն մոլեգնեալ Հերովդիսազայ, ի պարզելի մասին խնդրէք զգլուխ մարգարէին. շիջուցանել զարուսեակն և զանաղօտ լապտերն:

Փառք Հօր և Որդւոյ և :

Սրբուհւոյ Աստուածածնին բարեխօսութեամբ պարգեւեա երկրպագուացս ամենասուրբ Երրորդութեանդ, գյարութիւն յուսոյ կենացն յաւիտենից :

Այժմ և միշտ և յաւիտեանս :

Զհաւատացեալ ժողովուրդս սուրբ Երրորդութեանդ, և զապաւինեալս ի խորան փառաց քոց, պահեա անխռով ի խաղաղութեան :



ՊԱՇՏՕՆ ՆՆՋԵՑԵԼՈՅ ՇԱՐԱԿԱՆ

Դկ. Որ յանէից ստեղծող գոյից արարչակից Հօր բանդ Աստուած, թողութիւն շնորհեա նրնջեցելոց քոց ծառայից, յորժամ դաս դատել զոր անրատ ձեռօք ստեղծեր: Որ ի Հօրէ առաքեցար և մարմնացար ի սուրբ կուսէն. թողութիւն շնոր: Որ ի խաչին անշնչացար, զմահու լուծեր զիշխանութիւն. թողութիւն: Որ պսակիչդ ես քոց սրբոց, և անվախճան բարեաց բաշխող. թողութիւն շնորհ.:

Դձ. Անբսկիզբն Աստուած, սկիզբն արարչութեան, ի հողոյ ստեղծեր ըզմարզն առաջին, գործել և պահել յամպատում ի կեանս. իսկ ի ստնգանել հրամանի քո, Տէր, զվճիռ մահու ի վերայ եղեալ, հող էիր անդրէն և ի հող դարձցիս, և այժմ աղաչեմք զստեղծողդ ամենից, ընկալ և հանգո գհրաժարեալ հոգիս յեօթնաստեղեան լուսեղէն խորանս, ուր ժողովքն են սրբոցն ի խաղաղութեան. հոգևով հեղութեամբ յերկնից բարութիւն-

սրն: Ոսկի եղեալն անպիտանացայ, գեղեցկա- յարմար շինուածոյս քակտումն, իմաստունս յիմարեցայ, ի յալեաց մեղաց յոր ընկղմեցայ. և այժմ: Կոչողն եհաս, վերին կոչողին, կոչնատէրն անեղ, կոչողն անաւոր, դատաւորն անաչառ, դատաստանն արդար, հրեշտակք անողորմք դատեն զմեղաւորս. և այժմ աղաչեմ:



ԵՐԳ

Փառաց ի փառս բարձրանան, աջակողմեանքն վերանան, յորժամ լրսեն զերանական ձայն օրհնութեան ի քէն կոչման, ննջեցելոյս մեր լսեցո զԱստուածային բառբառրդ քո, դասաւորեա դաս վերնոցն երգել զփառս ընդ զուարթնոցն:

Բահանայք և ժողովուրդք հայցեմք ի քէն Տէր բարեգութ, ընդ ննջեցեալն հաւատով, ընկալ զմեզ նովին յուսով: յԵրուսաղէմ քաղաք վերին յորում արդարքն ժողովին, ի փառս վերերգել միշտ ընդ նոսին Երրորդութեանդ երրեակ անձին:

Ի վերին Երուսաղէմ ի բնակարանս հրեշտակաց, ուր Ենովք և Եղիաս կան ծերացեալ աղաւնակերպ, ի դրախտին եղեմական պայծառացեալ արժանապէս, ողորմած Տէր ողորմեա, հոգևոցն մեր ննջեցելոց:

Ահեղ խորհուրդ քահանային, բազկատարած կայ ի բեմին, առաջի սուրբ սեղանոյն, հուր շիջանի, խաւար մերժի, տրամեալ հոգիքն ուրախանան, զի թողութիւն մեղաց լինի, ողորմած Տէր:



ՅԱՐԱԿԱՆՔ Ա. ԾՆՆԴԵԱՆ ՕՐՀՆՈՒԹԻՒՆ ԾՆՆԴԵԱՆ

- Դկ. Խորհուրդ մե՛ծ և սքանչելի՛ որ յա՛յամ
աուր յայանեցաւ .
- Հովիւքն երզնն ընդ հրե՛ շտա՛կս, տան ա՞ւետիս
աշխարհի՛ :
- Ծնաւ նոր արքա՛յ ի Բե՛թլէհեմ քաղաքի .
- Որդիք մարդկան օրհնե՛ցէ՞ք, զի փա՞սըն մեր
մարմնացաւ :
- Անբաւելին երկնի և երկրի՛ ի խանձարուրս
պատեցաւ .
- Ոչ մեկնելով ի Հօրէ՛, ի սո՞ւրբ այրին բազմեցաւ :
Այսօր ցնձան երկինք ի վերուստ մեծա՛պայծառ
աւետեօք .
- Եւ արարածք ամենայն զգեցան Հանդերձ
փրկութեան :
- Այսօր յայրին ընծայեցաւ Քրիստոս Որդին
Աստուծոյ .
- Եւ հրեզինաց բազմութիւնքն, յերկնից յերկիր
փայր իջեալ :
- Այսօր հովուացն տեսեալ զարդարութեան արե-
գակն .
- Եւ ընդ հրեշտակս երզէին փառք ի բարձունս
Աստուծոյ :
- Ի հօրէ՛ ծագեցար լուսաւորել զարարածս .
Արդարութեան արեգական տէր փառք քեզ :
Ծընար ի յայրին ընծայեցար Բեթլէհեմ .
Արդարութեան արեգակն՛՛ :
- Հովուաց յայանեցար երկրպագեալդ ի մոզուցն :
Արդարութեան արեգակն՛՛ :

Եւ մեք երզեսցուք ի կուսէն մարմնացար .
Արդարութեան արեգակն՛՛ :

ՀԱՐՑ ԾՆՆԴԵԱՆ

Գձ. Անըսկիզբն էակից բանըդ Հօր . որ էիր
յառաջ քան զյաւիտեանս, և եկիր ի փրկութիւն
ստեղծուածոց քոց, ըզքեզ օրհնեմք Աստուած
հարցն մերոց :

Ծընար ի կուսէ անճառ միութիւն . անբաժա-
նելի և միշտ գոյով ոչ մեկնեցար ի հայրական ծո-
ցոյ . ըզքեզ օրհն .

Ցնձութեամբ տօնեսցուք ըզճնունդ քո սուրբ, որ
յատնեցար մեզ լոյս ի լուսոյ, և լուսով քո՞ լրցեր
գտիեզերս . ըզքեզ օրհն .

Օրհնեցէք, ամենայն գործըք տեսոն, զտէր օրհ-
նեցէք, և բարձր արարէք ըզնա յաւիտեան :
Ըզճնեալն ի սրբոյ կուսէն օրհնեցէք և բարձր ա-
րարէք զնա յաւիտեան :

Չանճառելի ըզճնունդ Փրկչին գովեցէք և առա-
ւել բարձր արարէք զնա յաւիտեան :

Ի ԹԱՓՈՐԻՆ

Այսօր տօն է սուրբ ծննդեան . աւետիս :
Տեսոն մերոյ և յայանութեան . աւետիս :
Ծնաւ, երեր զանմահ արքայն . աւետիս :
Այսօր արեւն արդարութեան . աւետիս :
Երեւեցաւ ի մէջ մարդկան . աւետիս :
Այսօր սուրբ կոյսն անապական . աւետիս :
Այսօր հրեշտակք յերկնից . աւետիս :
Ընդ մեզ օրհնեն զանմահ արքայն . աւետիս :

ՃԱՇՈՒ ՇԱՐԱԿԱՆ ՃՐԱԳԱԼՈՅՅԻ ԵՐԵԿՈՅԵԱՆ

Մեծացուցե ԳԶ.

Սուրբ զԱստուածածինն օրհնութեամբ մեծուցուցանմբ:

Աւետաւոր հրեշտակն աւետարանէր ըզծնեալ Փրկիչն ի սրբոյ կուսէն:

Փառք Հօր: Այժմ եւ միշտ:

Ասէ ուրախ լեր բերկրեալդ. քանզի Տէր տերանց է ընդ քեզ:



ՃԱՇՈՒ ՇԱՐԱԿԱՆ ԾՆՆԴԵԱՆ


Մեծացուցե ԳԶ

Չանճառելի լուսոյ մայր, և զբնակարան անսկզբնակից որդւոյն, օրհնութեամբ մեծացուցանեմք:

Չանհաս տնօրէնութեան մայր, և զանձնաւոր տաճար Աստուծոյ բանին, օրհնութեամբ մեծացուցանեմք:

Փառք Հօր: Այժմ և միշտ:

Ձբոլորից փրկութեան մայր, որ զանտանելին յէից ի յարգանդի ի բարձ, զնա ամենեքեան օրհնութեամբ մեծացուցանեմք:



ԵՐԳ

Ո՛վ զարմանալի, խորհուրդ այս մեծ յայտնեալ: Արարիչն Աստուած ի Յորդանան եկեալ:

Կամէր մկրտիլ ի ծառայէ իւրմէ, Չառնոյր Կարապետն ըզմկրտելն ի յանձն:

Յորդանան լրեալ փախստական դառնայր. Վտակ առ վտակ պատգամաւոր լինէր:

Գեա մի՛ զարհուրիր, քո արարիչն եմ ես, Եկեալ մկրտիմ և լուանամ ըզմեղս:

Յիսուս առաջեաց աստուածութեամբն ի ջուրն Հանդերձ Յովհաննու Յիսուս ի գետն եմուտ:

Երկինք պատառեալ ձայն ի յերկնից իջեալ, Սուրբ Հօր ի բարձանց որդւոյն իւր վկայեալ:

Սուրբ Հոգին իջեալ աղաւնակերպ տեսեամբ, Յայտնեալ ցուցանէր Հօր փառակից զՈրդին:



ՃՐՈՐՀՆԵԱՑ

Այսօր ձայնն հայրական յերկնից իջեալ հաճոյական սիրեցելոյ որդւոյ վկայն, այլ յորդորէ, գեա յորդորէ գեա Յորդանան աւետաւոր ձայնիւ երգէ. մեծ Կարապետն Յովհաննէս: Ամէն ալէլուիա, ալէլուիա, ալէլուիա:

Առաքելոյ աղաւնոյ իջանելով մեծաձայն հնչմամբ ի բարձանց ի նմանութիւն լուսոյ փայլման հրազինեաց անկիզբելի զաշակերտացն. մինչդեռ նստէին ի սուրբ վերնատանն:

Աննիւթական աղաւնի անքննելի որ քննէ զխորս Աստուծոյ, զոր առեալ ի Հօրէ պատմէ զահաւոր և զմիւսանգամ գալուստդ, զոր քարոզեցին համագոյական:

Օրհնութիւն ի բարձունս, ելողին ի Հօրէ Հոգւոյն սրբոյ, որով առաքեալքն արբեցան անմահական բաժակաւն, և հրաւիրեցին զերկիրս ի յերկինս:



ՄԵՐ ՊԱՅՈՑ ԵՒ ԱՐԵՒԱԳԱԼԻ ԵՐԳԵՑՈՂՈՒԹԻՒՆ

ԱՐԵՒԱԳԱԼԻ ԿԱՐԳ

Նախ՝ Եղիցի ակուն ականն օրհնեալ
Ե Ր Գ

Յարեւելից մինչ ի մուտս, ի հիւսիսոյ և ի հա-
րաւոյ, ամենայն ազգ և ազինք, յօրհնութիւն նոր
օրհնեցէք զարարիչն արարածոց, որ ծագեաց ըզ-
լոյս արեգականն այսօր յաշխարհս :

Եկեղեցիք արդարոց, փառաբանիչք ամենա-
սուրբ երրորդութեանն, յառաւօտըս լուսոյ զա-
ռաւօտ խաղաղութեան Քրիստոս զովեցէք ընդ
հօր և հոգւոյն, որ ծագեաց ըզլոյս զխտութեան
իւրոյ ի մեզ :

ՅՈՐԴՈՐԱԿ

Յարեւելից յարեւմուտս մանկունք Սիօնի,
օրհնեցէք միշտ անդադար զծագողըն լուսոյ :

Եկեղեցիք արդարոց և փառաբանիչք, բարե-
բանեցէք որ ետ զիմաստըն լուսոյ :

Քարոզ, Աղօթք և փոխ՝

Ազադակեցէք առ տէր ամենայն երկիր, ծառա-
յեցէք ականն ուրախութեամբ :

Մտէք առաջի նորա ցնծութեամբ ևն. :

Ե Ր Գ

Ճրգնաւորք Աստուծոյ, և ժառանգորդք երկ-

նից արքայութեանն, որք փախանակեալք զան-
ցաւորս առիք զանանցըն բարութիւնսն. բարեխօ-
սեցէք առ Տէր վասն մանկանց եկեղեցւոյ :

Նահատակք պանծալիք և սիրեցեալք ի յերկ-
նաւոր հօրէն, որք մըկըրտեցայք ընդ Քրիստոսի
արեամբ ձերով ի մահ խաչին. բարե. :

Մարտիրոսք ցանկալիք, և օթեվանք հոգւոյն
ճշմարտութեան, որք յաղթեցիք հոգւով կարեաց
և ցանկութեան. բարե. :

Գովելիք աշխարհի, և բաղձալիք վերնոցըն
պետութեանց. որք երանութեան մասին հասիք
բան զամենայն որդիս մարդկան. բարե. :

Կամաւոր պատարագք. մանկունք տիօք և կա-
տարեալք իմաստութեամբ. որք փոխանակ կա-
թին արրիք զգինին զմայլեցուցիչ. բարե. :

ՅՈՐԴՈՐԱԿ

Ճրգնաւորք ճրջարիտք վրկայք Քրիստոսի.
բարեխօսեցէք առ Տէր վասն անձանց մերոց :

Նահատակք կենդանիք սիրողք Քրիստոսի,
որք չարչարեցայք մարմնով վասն անուանըն
Տեանն :

Մարտիրոսք ցանկալիք մարդկան ըզձալիք,
հայցեցէք ի սուրբ հոգւոյն տալ մեզ ըզբարիս :

Գովելիք վերնոց պատուց, պարծանք աշխար-
հի. խընդրեցէք զխաղաղութիւն տալ եկեղեցւոյ :

Կամաւոր սուրբ պատարագք հասակաւ ման-
կունք. հայցեցէք լինիլ և մեզ՝ ձեզ պըսակակից :

Մաղթակք, Քարոզ, Աղօթք և Փոխ՝

Աստուած Աստուած իմ, ես առ քեզ առաւօտ
առնեմ, ծարաւեաց առ քեզ հոգի իմ, քանիպատիկ
եւս և մարմինն իմ. և ըն. :



Ե Ր Գ

Լոյս, արարիչ լուսոյ առաջին լոյս. բնակեալդ
ի լոյս յանմատոյց, Հայր Երկնաւոր ի դասուց
լուսեղինացն օրհնեալ. ի ծագել լուսոյ առաւօ-
տուս, ծագեա ի հոգիս մեր ըզլոյս քո իմանալի :

Լոյս, ի լուսոյ ծագումն արեգակն արդար,
անճառ ծընունդ հօր որդի. յառաջ քան զարեւ ա-
նուն քո գովեալ ընդ հօր. ի ծա. :

Լոյս, ի հօրէ բղխումն աղբիւր բարութեան,
հոգիդ սուրբ Աստուծոյ. մանկունք եկեղեցւոյ
չնդ հրեշտակս զքեզ բարեբանեն. ի ծա. :

Լոյս, երբեակ և մի անբաժանելի սուրբ եր-
րորդութեան, զքեզ ընդ երկնայնոցն երկրածինքս
միշտ փառաւորեմք, ի ծա. :



ՅՈՐԴՈՐԱԿ

Անեղանելիդ Աստուած հայր ամենակալ. ըն-
կալ զաղաչանքս մեր քոց պաշտօնէից :

Ի հօրէ ծագումն անճառ, արեգակն արդար,
ծագեա ի յանձինքս մեր զլոյսդ ողորմութեան :

Ի հօրէ բղխեալ հոգի, աղբիւր բարութեան.
լուսով քով լըցո ըզմեզ յայսմ առաւօտուս :

Երեք անձինք և մի բնութիւն, մի աստուածու-
թիւն, զքեզ խոստովանիմք յաւէտ սուրբ Երրոր-
դութիւն :

Մաղթակի, Բարոզ, Աղօթի և Փոխ՝
Տէր հովուեսցէ զիս, և ինձ ինչ ոչ պակասեսցի :
Ի վայրի դալարութե՛ անդ բնակեցոյց զիս, ևն. :



Ե Ր Գ

Ճանապարհ, և ճշմարտութիւն, և կեանք
Քրիստոս. առաջնորդեա հոգւոց մերոց, յերկրէ
էլանել յերկինս :

Դուռն կենաց մըտից Յիսուս, մոյժ և ըզմեզ
առ հայր քո և հոգի, երգել միշտ ըզփառս :



ՅՈՐԴՈՐԱԿ

Ճանապարհ բարի Քրիստոս և ճշմարտու-
թիւն, առաջնորդ հոգւոց մերոց յերկրէ ի յեր-
կինս :

Դուռն կենաց մըտից Յիսուս, Աստուած ճըշ-
մարիտ, մոյժ և զմեզ առ հայրըդ քո, հոգւովըդ
Սրբբով :

Մաղթակի, Բարոզ, աղօթի և ապա՝
Տէր Ամենակալ, Բարոզ և աղօթի
Շարակաւ, և յետոյ՝ Տէր ողորմեա ողբաձայն
Մաղթակի, Բարոզ, աղօթի :



ՇԱՐԱԿԱՆ ԾԱՂԿԱԶԱՐԴԻ

Աձ. Որ վերօրհնիս յաթոռս քերովբէից, ի վերայ նստիլ յաւանակի հաճեցար, բարեբանեալ որ եկիրդ ի կեցուցանել:

Ուստի և մեք գյաղթական օրհնութեանցն ըզձայն մատուցանեմք քեզ թագաւոր փառաց՝ ընդ տղայսն օրհնաբանելով, բարեբանեալ որ եկիրդ ի կեցուցանել:

Ովսաննա ի բարձունս՝ ալէլուիա, բարեբանեալ եկեալ անուամբ Տեառն՝ ալէլուիա, և օրհնութիւն որ գտլոցդ ես անուամբ Տեառն, ալէլուիա:

Այսօր զԱնսկիդքն Բանն՝ որ յաթոռ փառաց ընդ Հօր՝ յերկրի երեւեալ տեսաք, քրօքական ձայնիւ օրհնեսցուք, օրհնեալ եկեալ անուամբ Տեառն:

Այսօր գոլով ի Բեթանիա, քո ամենագօր հրամանաւդ, ձայնեցեր Ղազարու և զողացաւ մահ, դժոխք պարտեցաւ ազականութիւն լուծաւ, կենդանարար Քրիստոս կեցո զմեզ: Այսօր գոլով ի Բեթանիա, զքո զաշխարհակեցոյց սուրբ գյարութիւնդ, յառաջագոյն ծանուցեր անապականաբար կոչմամբ զչորեքորեայն ի թաղմանէ, կենդանարար՝: Այսօր գոլով ի Բեթանիա Եբրայեցւոց մանկունքն սքանչացեալ ասէին, զՄարիամու գեղբայրն ի թաղմանէ յարուցեալ որդւոյն Մարիամու, կենդանարար՝:

Կենդանութեանց բաշխող Քրիստոս, ի Բեթանիա եկաւորեալ այսօր, բարեկամին Ղազարու պարգեւէ զկենդանութիւն: Տնօրինարար արտասուելով ընդ Մարթայի և ընդ Մարիամու,

ողբակցէր և որպէս մարդ հարցանէր ուր եղիք զՂազարոս: Եւ որպէս զԱստուած բարբառով յարուցանէ ի մեռելոց զչորեքորեայն, և զուգընթաց ձայնիւ մեռեալն եկն արտաքս անապական:



Գ Ա Ն Զ

Այս խորհուրդ լցաւ, անդ գուշակեցաւ, աստ կատարեցաւ:

Աստուած մարդացաւ, ընդ օրինօք մտաւ, քահանայացաւ:

Այսօր վերացաւ, վերնատուն նստաւ, և գառըն կերաւ:

Հին օրէնքն անցաւ, զի գիրն լցաւ, և նորս սկսաւ:

Տէր քոյին շնորհաւ, լուս զմեզ բազկաւ, արբօ բաժակաւ:

Ահա ազատեա զմեզ ի մեղաց, քաւիչ յանցանաց, ազաչեմք:

Լուր Տէր եւ ողորմեա:

Սիրտ իմ ստտանի, սարսափ զիս ունի, վասն Յուդայի:

Որ Տէրն ամենի, նմա առաջի, ի ծունկս անկանի:

Նա ոչ ամաչէ, և ոչ զարհուրի, սիրողն արծաթի:

Նոր սեղան զնի, և հաց բաղարջի, լ'անապակ զինի:

Տէր իմ արժանի, արա զմեզ հացի, քո սուրբ սեղանի:

Ահա ազատեա զմեզ ի մեղաց, քաւիչ յանցանաց, աղաչեմք:

Լուր Տէր և ողորմեա:

Խոնարհիլ պարտին, իւր յանցաւորին, ըստ օսրբեսցին:

Որք որ փափաքին, ուտել զայն մարմին, որով ըրնաց Փրկչին:

Թողուլ կամովին, զյանցանս ի սրտին, զեօթանասնեկին:

Իսկ որ ստամբակին, եղեալ օրինին, որ Աստուածային:

Իսկ Աստուածային, բնաւ ոչ սահմանին, մեր բազմողորմին:

Ահա ազատեա զմեզ ի մեղաց, քաւիչ յանցանաց, աղաչեմք:

Լուր Տէր և ողորմեա:

Աստուած ամենի, Միածին Որդի, կամաւ Հօր հոգւոյն ճշմարտի, յերկիր խոնարհի:

Սիրով անքրննին, լոյս անմատչելին, զենջակ սփածեալ զի ծածկեր զմերկութիւն նախկին:

Տէրն հրեղինաց, հրանիւթից զօրաց, խոնարհեալ ի ծունկս լուանայ գոտս հողեղինաց:

Նիւթական ջրով, տարրական նիւթով մեզ նոր պատուիրան աւանդեալ զմեզս մաքրելով:

Ասաց Պետրոսին, հաւատայ վիմին, ե՛կ զի լուացից գոտս քո յնիւթացից չարին:

Յնծասցուք հոգւով, զնոյն ճաշակելով, փառք Հօրն տացուք և հոգւոյն Միածնի մարմնով:

Խաչի քո Քրիստոս երկիրպագանեմք, և ըզսուրբ մատնութիւնդ քո մեծացուցանեմք, և ըզսուրբ չարչարանսդ քո փառաւորեմք, եկայք հա-

ւատացեալք երկիրպագեսցուք Քրիստոսի Աստուծոյ մերոյ, վասն զի եկն ի ձեռն Խաչին իւրոյ շնորհեաց պարգեւս աշխարհի, Սուրբ Աստուած, Սուրբ և հօր, Սուրբ և անմահ, որ մատնեցար վասն մեր ողորմեա մեզ: (Երիցս կրկնեա):

Փառք սուրբ խաչիդ Ալէլուիա, Սուրբ մատնութեանդ, Ալէլուիա, Չարչարանացդ Ալէլուիա: Նշանեցաւ առ մեզ լոյս երեսաց քոց, և ետուր ուրախութիւն առ մեզ լոյս երեսաց քոց, և ետուր ուրախութիւն սրտից մերոց: Ի պտղոյ ցորենոյ, զինւոյ և ձիթոյ իւրեանց լցուցեր զնոսա:

Փառք Սուրբ խաչիդ, ալէլուիա են. փառք և երկիրպագութիւն հօր և որդւոյ և հօգւոյն սրբոյ, այժմ և միշտ և յաւիտեանս յաւիտենից ամէն:

Փառք Սուրբ խաչիդ Ալէլուիա, են. Խաչըն կենարար որ եղեւ մեզ փրկութիւն, սովաւ ամենեքեան ըզմեզ բարեբանեմք:



ԱԻԱԳ ՈՒՐԲԱԹ ԵՐԵՎՈՅ

ՀԱՆԴԷՍ ԹԱՂՄԱՆ ՔՐԻՍՏՈՍԻ ԱՍՏՈՒԾՈՅ

ՀԱՄԲԱՐՁԻ ԴՁ. ՍՏ.

Եկայք հաւատացեալք երկրպագեցուք սուրբ Երրորդութեանն, լոյսն որ ընդ հօր էութեան, ի քահանայից դատապարտեալ եկեալ ի խաչ ելանել, անըմահ թաղաւորն:

Չոր երկինք ոչ բաւէին տանել, զփայտ պատուհասի ուսով բարձեալ, եւ եկեայ ի տեղի կառափրման, ի խաչ ելանել, անըմահ:

Հիացեալ պետութեանց երկնից, ընդ թաղումն Տեառն ի նոր գերեզմանի, քանզի որ անմահն է յէութեան, վասն արարածոց փրկութեան ըզմահ ճաշակեաց, անըմահ:



ՇԱՐԱԿԱՆ ԹԱՂՄԱՆ ԹԱՓՈՐԻՆ

Բձ. Պարզեւատուն ամենեցուն, այսօր խնդրի պարզեւ ի Պիղատոսէ, եւ արկոզն ըզլոյս որպէս զօթոց հաւանի պատիլ ի Յովսեփայ:

Կենդանատուն ամենեցուն այսօր, գընի ի նոր գերեզմանի, և գանձն անմահութեան կընքի մատանեաւ քահանայիցն:

Արարածոց փրկութիւն Քրիստոս այսօր, եղաւ ի նորափոր վիմի, զոր օրհնեն զօրք երկնից երգով պահպանի ի զինուորացն:



ՇԱՐԱԿԱՆ ԽԹՄԱՆ ԵՐԵՎՈՅԵԱՆ

Գձ. Լուսաւորեա Երուսաղէմ զի հասեալ է լոյս քո, զարդարեա զամուրս քո, եւ փառք Տեառն ի վերայ քո ծագեացի:

Օրհներգութեամբ սաղմոսիւք քեզ վայելէ Աստուած օրհնութիւն ի Սիովնէ, և քեզ մատուցին աղօթքք յԵրուսաղէմ:

Փովեա Երուսաղէմ ըզտէր, և օրհնեա զԱստուած քո ը նոր ժողովուրդ զշխոյ դուստրը Սիովնի:



ՉԱՏԿԻ ԱՌԱՒՈՏ

ԱԻԱԳ ՕՐՀՆՈՒԹԻՆ

Աձ. Այսօր յարեաւ ի մեռելոց փեսայն անմահ և երկնաւոր, քեզ աւետիս խնդութեան, հարսն ի յերկրէ եկեղեցի, օրհնեա ի ձայն ցնծութեան, զԱստուած քո Սիովն:

Այսօր անձառ լոյսն ի լուսոյ լուսաւորեաց ըզմանկունքս քո, լուսաւորեա Երուսաղէմ, քանզի յարեաւ լոյս քո Քրիստոս, օրհնեա'':

Այսօր խաւարն անգիտութեան հալածեցաւ երրեակ լուսովն, և քեզ ծագեաց լոյս գիտութեան, յարուցեալն ի մեռելոց Քրիստոս, օրհնեա'':

Այսօր զատիկ մեր գեղմամբ Քրիստոսի, արացուք տօն ցնծութեամբ, նորոգեալս ի հնութենէ մեղաց ասելով, Քրիստոս յարեաւ ի մեռելոց:

Ընդ լուսանալ միաշաբաթին կանխեցին կա-
նայքն ի գերեզմանն, ի խնկել զանապական մար-
մինն: Եւ գտին ըզվէմըն բարձեալ ի դրաց գե-
րեզմանին և լուեալ բարբառ ի հրեշտակէն, եթէ
յարեաւ Քրիստոս և խափանեաց ըզմահ: Եւ հան-
դիպեալ քո Տէր, առաքելոցն և տուեալ ողջոյն
կենդանարար, առաքեցեր զնոսա ի փրկութիւն
տիեզերաց:

Փառք յարութեան քո տէր: Պատրանօք նա-
խաստեղծին մերկացաք ի լուսոյն, իսկ յարու-
թեամբ միածնիդ ըզգեցաք զանմահութիւն,
փառք': Սաբանօք փայտին ճաշակեցաք ըզմահ,
իսկ ի փայտէն կենաց նորոգեցաք ամենեքեան,
փառք':

Ընդ կանայսն իւղարերսն առ քեզ առաւօտե-
մըք կենդանիդ յաւիտենից Քրիստոս, ընկալ և
զմերս, փոխանակ խնկոցըն զօրհնաբանութիւնս:
Փոխանակ սուրբ աւետաւոր զուարթնոյն, գը-
թութիւն քո մեզ հանդիպեսցի յուսով գիտու-
թեան, մըխիթարել զհոգիս և լուսաւորել: Ընդ
նոսին աւետարանութեամբ քարոզեսցուք զքո
միայն զսքանչելիսդ, որ յարեարդ ի մեռելոց ա-
մենագօր թագաւոր անմահ:

Որ անձառ էութեամբ հօրդ ես փառակից, չար-
չարիլ մարմնով յանձն առեր վասըն մեր, մըշ-
տընջենաւոր օրհնութեամբ ի հրեշտակաց օրհնեալ
ես տէր: Որ էակդ ես ընդ հօր և սուրբ հօգւոյն,
խաչեցար և թաղեցար կամաւ հօր վասն մեր,
մշտնջենակոր': Որ միւսանգամ գալոց ես հայ-
րենի փառօք, շնորհելով աստուածապէս յարու-
թիւն Տիեզերաց, յամենայն արարածոց յաւիտե-
նից օրհնեալ ես տէր:

ԽԶ. Որ զանարատ բազուկըս քո ի խաչին տա-
րածեցեր Քրիստոս Աստուած, և նըշան յաղթու-
թեան ետուր մեզ, սովաւ զկեանքս մեր պահեա:
Որ զաշխարհակեցոյց բազկատարածութիւն խա-
չի քո Քրիստոս Աստուած, գաւազան զօրութեան
ետուր մեզ, սովաւ': Որ զմեռեալն ի ճաշակմա-
նէ փայտին յանցանաց, կենաց փայտիւն կենա-
գործեցեր, սովաւ':

Փառք հօր և որդւոյ'. — Այսօր հրեշտակըն
լուսափայլ ի յերկնից իջեալ, զարհուրեցոյց ըզ-
պահապանս, և սուրբ կանանցըն քարոզէր ասե-
լով, Քրիստոս յարեալ ի մեռելոց:

Այժմ և միշտ եւ յաւիտեանս'. — Այսօր նոր
Իսրայէլ կոչեցեալք ի Քրիստոս, ազատեալք ար-
եամբ գառինն Աստուծոյ, պարեսցուք ընդ երկ-
նայնոցն ասելով Քրիստոս յարեալ ի մեռելոց:

ՃԱՇՈՒ ԾԱՐԱԿԱՆ

Աձ. Գովեա Երուսաղեմ գՏեր,
Յարեաւ Քրիստոս ի մեռելոց Ալէլուիա,
Եկայք ժողովուրդք երզնէք Տեառն Ալէլուիա:
Փառք հօր և որդւոյ': Այժմ և միշտ և':

Յարուցելոյն ի մեռելոց ալէլուիա, որ զաշ-
խարհս լուսաւորեաց ալէլուիա:





ՊԵՐՊԵՐԵԱՆ ԳՐԱՏՈՒՆ

ԿԱՐԴԱ ԵՒ ՉՊԻՏԻ ՉՂԶԱՍ

Կ'ուզե՞ս որ ամէն ժամանակ և ամէն պարագայի տակ անգլիերէն բառերու համար չի նեղուիս . գնէ մէկ հատ Փրօֆ . Յ . Յակոբեանի գրքանի Անգլիերէնէ Հայերէն բառարանէն , որը պատրաստուած է յարևմտան Ուէպօղրի «**The Metropolitan West Pocket**» բառագրքոյկին և **Standard** բառարանին բառերուն ամենանիւտ և նորագոյն նշանակութիւնները դրուած են : Չիկայ ուէ բառարան մը որ ասոր նման յարմարութիւն ունենայ գրպանիդ մէջ կրելու առանց նեղութեան : Հատ մը ապահովէ քանի սպառած չէ :

ԳԻՆ 50 ՍԷՆԹ

ԸՆԿԱՐՉԱԿ ԳՐԱՅՈՒՅԱԿ ՉՐԻ ԿԸ ՂՐԿՈՒԻ

H. G. BERBERIAN

P. O. Box 34, Sta., A.

Boston, Mass.

ԳԻՆ 50 ՍԷՆԹ

«Ազգային գրադարան



NL0156084

